

Ditaelo Tša Gabriele Go Daniele

 Morena a go šegofatše, ngwanešu. Moso wo mobotse, bagwera. Go fiša kudu, go ba ka tabarenekeleng mosong wo, eupša go letago kudu go ba mo. Re thabile kudu gore re kgonne—kgonne go tla ka gare lehono bakeng sa tirelo ye. Gomme re file ntle gore ke tla ba le go ithuta bjale go *Dibekē Tše Masomešupa Tša Daniele*. Tše di tlema ka gare Molaetša ka moka pele nka kgona go ya le ma—ma Mahuto a Šupago. E lego, Mahuto a Šupago; Dikotlo Tše Šupago; Diphalafala Tše Šupago; Masetlapelo A Mararo; mosadi letšatšing; go lelekelwa ntle ga diabolo yo mohubedu; ba dikete tše lekgolo masomenne nne ba a swaiwa; tšohle di direga gare ga nako ye. Gomme ke naganne ke tla swanelo go tliša se ka gare pele.

² Bjale, go a fiša. Ga re ikemišetše go dula botelele kudu, feela ge re kgona. Gomme le ke lebaka, ka mehla, ka ntle ga sehla, seo ge batho ba se ne kereke gantsi kudu. Gomme, gagolo, gomme tšohle tša tšona di na le dikamora tša difehlamoya, le go ya pele, mo go lego boiketlo. Re duma ge nkabe re ne yeo, eupša ka nako ye ga re nayo.

³ Ba bantši botatemogolo ba rena ba dutše ntle ka letšatšing la go fiša. Ge ke nagana ka go kgopela tshwarelo go batho bakeng sa go se be le kamora ya sefahlamoya, dikgopoloo tša ka ka mehla di hlehlela morago Afrika moo ba bego ba robetše kua ka go madimo ale, gomme bona basadi ka meriri ya bona e lekeletše fase ka sefahlegong sa bona, ba letše kua bobedi mosegare le bošego, ba sa tsoge ba tlogela lefelo moo ba letšego; ba sa je, ba sa nwe, le ge e ka ba selo, ba dutše thwi kua feela go swara Lentšu, goba a mabedi, nako ye le yela, la Morena.

⁴ Ke kgona go nagana ka Mexico ge go be go fiša kudu gore, ka go botega, ke dutše ka kamoreng ya sefahlamoya le go leka go ipokapokela nnamong, go be go fiša kudu. Gomme go bona bona batho ba etla kua ka iri ya senyane mosong, ka go arena ye kgolo yela, gomme go se ditulo, go dula fase. Batho ba go babja, go babja ka kgonthe, ba ehwa, ba babja; kankere, sekutu; le bomme ba go babja, a mannyane, masea a ehwa le se sengwe le se sengwe, ba eme thwi kua ka go letšatši lela la go fiša la go bela, go se moriti felo, gomme ba nno itshama go seng sa bona go tloga iri ya senyane mosong go fihla senyane bošego bjoo, go no kwa metsotso ye masometharo ka mohlatholli, le go bona mediro ya Morena. Ba dutše kua le go leta, ba apere diaparo tše kgolo tša kgale, ba di apere marega le selemo. Ke tšohle ba nago le tšona.

⁵ Gomme ka gona ke nagana ba robetše ntle kua ka masoding ale, ka fao ba bego ba tliša batho ba go babja ka gare, bao ebile ba bego ba sa kgone go šutha. Gomme ka India, ge ba be ba pakela

yo motee fase, ka gona ba latša yo motee godimo ga yola, yo motee ka godimo ga yo motee yola, ka mokgwa woo, ka lephera le mekgohlwane; moo ba bego ba ba goga go kgabola, le ka ntle ga mekgotha, le go ba latša ka go ale a go fiša, go bela, matšatši a tropiki. Ka madimong, le go pekenya ga legadima, le dilo boka tše, ba be ba tla lala fao ka go letšatši lela la ledimo, le se sengwe le se sengwe, gomme ba sa tsoge ba šutha goba go belaela, go no . . . gomme ba leka go swara Lentšu la Modimo, nako ye le yela, se sengwe bakeng sa soulo ya bona. Gona gabaneng re swanetše go kgopela tshwarelo mosong wo, ka tlhaka godimo ga hlogo ya rena, difene di kgatlampana? Re swanetše go lewa ke hlong ka yona ge re belaela ka yona.

⁶ Kafao ke a eelwa e sego kgale go fetile, ka sehlakahlakeng, se sengwe sa dihlakahlaka ntle ka Mawatleng a Borwa, ke be ke ne tirelo fao bošegong bjoo. Gomme, oo, go tlie ledimo. Oo, ga se nke ka tsoge ka bona ledimo le lebjalo, feela mopekenyo wo motee wa legadima ka morago ga wo mongwe, o bonega naga. Gomme kafao diphefo di tšutlago go fihla mehlare e be e robetše thwi godimo ga mobu. Ke rile, “Gabotse, ba . . . Le nna nka apola sutu ya ka, gobane go ka se be motho tlase kua.”

⁷ Dinakwaneng di se kae koloi ye nnyane e eme godimo mojako, gomme yo mongwe a kokota mojako, komana go sepela.

Gomme ke rile go mošemané, o be a kgona go bolela Seisimane, ke rile, “A go ne e ka ba mang tlase kua?”

O rile, “O ka se kgone ebile go hwetša lefelo ka gare ga dipoloko tša toropokgolo,” godimo go boemakoloi bjo bogolo bja kgwele.

Gomme ke rile, “O ra gore batho ba—ba ntle kua ka mokgwa woo,” ke rile, “ledimo le lohle?”

Ba rile, “Ba nyaka go kwa ka Modimo.”

⁸ Gomme—gomme kafao ke ile tlase kua. Gomme go be go le bahumagadi, basetsana ba baswa, ditšwamahlalagading, e sego go hirimana le go sega, le go thuntšha motimohlahunwa, le go bolela ka lesogana la bona. Lentšu le lengwe le le lengwe, ba nno robala go Lona; gomme ba sa tsoge ba šutha, ba nno dula le go theetsa. Dira pitšo ya aletara, e no dira pitšo ya aletara, gomme dikete di emeletše, ka methalo ya megokgo go tšwa mahlong a bona ka mokgwa woo, ka diatla tša bona godimo go Modimo, go nyakeng kgaogelo bakeng sa soulo ya bona, basetsana le bašemané ba baswa, lesomešupa, lesomeseswai la mengwaga bogolo. Bjale go mohuta wo bothata go dira magagešo a go tšofala ebile go theetsa, le a bona. Go—go laetsa gore ga re ne selo go belaela ka sona. Ditebogo di be go Modimo! Ee, mohlomphegi.

⁹ Re rata go ba le yona yohle sebjalebjale boka Amerika ka moka, eupša ga re nayo ka tsela yeo; kafao re tla no dira ka se re nago le sona.

¹⁰ Bjale, ke na le selo se sennyane se ke hlokometšego se ke ratago go se dira mo ka tabarenekeleng gape. Ke ba bakae ba nago le Dibeibele? Phagamiša seatla sa gago. Gabotse. A re phetleng go Dipesaleme 99 pele re eba le thapelo. Re be re fele re dira se, Ngwanešu Neville, mengwaga ya go feta. Ga ke tsebe ge eba . . . A le šetše le badile Pesaleme mosong wo? [Ngwanešu Neville o re, “Aowa.”—Mor.] Aowa. Ke no rata go, phuthego, go bala Pesaleme tsoko.

¹¹ Mosong wo, ge ke be ke dutše ka kamoreng ya ka go ithuta, ke naganiša ka Molaetša wo le Lentšu, ke naganne, “Le a tseba, go tla ba gabotse gape go ba—go ba le bona go bala Pesaleme. Ke e rata gabotse.”

Lebaka le ke nnogo go ba thari, ba bile le pitšo ya ka ya bokgole bjo botelele, go tšwa Cheyenne, kafao ke ka baka leo ke bilego.

¹² Gomme bjale, ge re sa phetla go Pesaleme ye, ke na le ditsebišo tsoko go di dira, tše di sa tšogo fiwa nna. Yeo Pesaleme 99.

¹³ “Go tloga bjale go ya pele, ditsebišo tšohle di amago dikopano mo ka tabarenekeleng, le ka masolong, di tla tla go tšwa ofising ka Jeffersonville. Mang kapa mang a dumago go tseba ka dikopano o swanetše go faela goba go fa leina le tšhupabodulo, gomme a e bee godimo ga phuluphithi go tswaleleng ga tirelo bošegong bjo. Tsebišo e tla romelwa go wena ka nako bakeng sa gago go dira dipeakanyo bakeng sa go tsenela dikopano.”

Ke gore ge mang kapa mang ka moso a nyako tseba feela moo re yago go ba le dikopano, re na le tshepedišo e beilwe, ka ofising ntle kua bjale, yeo o ka kgonago go bea leina la gago le tšhupabodulo mo. Gomme re tla go romela karata, pele ga nako, gore o tla tseba moo dikopano di kgatlampanganago, gomme go molaleng le sehlogo, le eng go fetiša se lego gona, ge o ka kgonago go hwetša sebaka. Le a bona, ge o se ne lefelo la semmušo moo e tšwago, yo mongwe o bolela se gomme yo mongwe o bolela *sela*, ga—ga o e hwetše, le a bona. Kafao e no dira . . . Dira leina la gago le tšhupabodulo gomme o e bee godimo mo, gomme Billy Paul o tla e topa gomme o tla e fa ntle.

¹⁴ Bjale, go botšišitšwe, gape, ge eba go tla ba e ka ba eng gape . . . “Ngwanešu Branham, o tla ba le e ka ba ditirelo tše dingwe tša phodišo ka tabarenekeleng, le ditlhatho?” Aowa. Aowa. Ditlhatho di tla fiwa ke—ke poto ye nngwe ya rena. Re na le Ngwanešu Neville mo bjale yo a nago le mpho ya seprofeto, yo a profetago go balwetši le go dira go tsebja go bona dilo tše ba hlokago go di tseba. Gomme re na le ngwanešu ka leina la Higg—. . . Higginbotham, yo mongwe . . . o be a le mohlokamelaphahlo, o diretše ka go botega mo potong. Ga ke mmone mosong wo, eupša ka mehla o ne mpho ya go bolela ka

maleme. Le mohumagadi yo monnyane o bitšwa Arganbright, kgaetšedi yo monnyane wa go ratega yo a nago le mpho ya tlhathollo ya maleme.

¹⁵ Gomme melaetša ye e netefatša go ba ya Modimo, gobane ka mehla ga e tšwe mo lenaneong, e nno bewa ka lenaneo. Gomme ka pejana ge dimpho tše di thoma go kokotlela, re ya go leka go—go e dira . . . go e dira e bewe thwi morago ka kerekeng, tsela ya go e dira. Gomme ke swanetše go ba bona botse ka pejana, le gore di—gore—di dikopano di tla išwa pele ka go phethagala ka lenaneo la Morena, bjalo ka ge re kgona go e hwetša go phethagala.

¹⁶ Eupša batho ba ba go ratega, go bolela bjalo moagišani wa ka, Mdi. Wood, yo a nago le setšeamantšu se hakilwe mo, le theipi morago kua, go gatiša kopano, feela ka maikemišetšo go hwetša melaetša yeo, le go e ngwala fase, le go bona ge eba e nepagetše goba aowa. Le a bona? Ke ka mokgwa wo a e senkago. Ke tseba Mdi. Wood go ba mosadi wa go botega. Gomme o mpotša ka dilo tše ntši tše di boletšwego, di a phethagala.

¹⁷ Bjale, kafao re thabela seo kudu. A kimollo ye e bilego go nna ka gae! Ge ke etla ka gae, gona . . . Tlhatho ka lehlakoreng la seprofeto, e no nkgeretlanetše fase, gomme, kagona, Modimo o nthometše kimollo tsoko bakeng sa seo, ka seprofeto le go boleleng ka maleme, le tlhathollo, e lego seprofeto. Goo, ke seprofeto, go bolela ka maleme. Go ne batho ba babedi ba go fapania ba profeta. Yo motee o a bolela, yo mongwe o kwešiša se yo motee a se bolelago ka maleme a go se tsebje, ke seprofeto tlwa. Gomme bjale re tla . . . Re na le seo letšatsi le lengwe le le lengwe, kopano ye nngwe le ye nngwe mo ge re na le methalo ya rena ya thapelo ka kopanong.

¹⁸ Bjale, go na le yo mongwe nako yeo o tla botšiša, a e be . . . ka mpho. Ee, ke sa na le yona. Eupša ka tsela yeo, tsela e nnoši ke e šomišago, ka go dipoledišanonyakišo tša sephiri, tše ke nago le tšona. Gomme, go di hwetša, ke a dumela ba na le yona godimo ga pote ya ditaba morago kua, go hwetša tumelelo le go bea nako ya gago ka leneneo, ka Billy Paul, mošemanie wa ka, bakeng sa fa goba ka dikopanong morago ga ye. Ntle ka mašemong, kae kapa kae, o swanetše go ba le karata ye nnyane yeo Billy Paul a tla go fago. Ge go ne se sengwe ka bophelong se o sa kgonego go se kwešiša, gomme o sa tsebe o tšwe bjang ka go sona, gomme o nyaka bohlale bja Morena, gona nke . . . Bona Billy Paul, morwa wa ka, e lego mongwaledi, gomme o tla go fa karata ye nnyane, gomme a go beela letšatsikgwedi, ka nako.

Gomme ka gona ge re na le dipoledišanonyakišo tše, gona e tla ba ge re tla ya mmogo, feela wena le nna. Ge e le basadi ba etla, o tla ya ka gare le nna le mosadimogatša wa ka. Gomme ka gona o . . . Re tla hwetša, le go nyaka Morena le go Mmotšiša se o swanetšego go se dira.

¹⁹ Bjale, tše dingwe, ditaba tše nnyane le go ya pele ka mokgwa woo, e neelwa godimo go Ngwanešu Neville, le Ngwanešu Higginbotham, le Kgaetšedi Arganbright, le ba bangwe ba ba bolelago ka maleme le go hlatholla, ba ba lego mo ka kerekeng.

²⁰ Kagona, re bjalo ka leeto. Ke a dumela e be e le Jethero, o rile go Moshe letšatši le lengwe, bona, “A re tšeeng bagolo ba bangwe.” “Gomme Moya wa Modimo o ile wa tšewa go tloga go Moshe gomme wa bewa godimo ga bagolo ba masomešupa, gomme ba profeta. Eupša feelsa dilo tše kgolo le tše thata di tla go Moshe a nnoši.” Bjale, ga se rena Moshe, ga išita ga re bagolo ba, eupša re sa ntše re sa direla Jehofa Modimo, ka Pilara ya Mollo ya go swana e re etilegopele go ya Nageng ya tshepišo.

Kafao, ka gona, ee, go tla ba tše dingwe, go ba dikopano gomme e tla ba tlhathol-... Ditlhatho di tla tla. Tše di tla mphago sebaka nako yeo go ba ka thapelang le go ithuta, matšatši ao ke tsebago gore dipoledišanongnyakišio tše di tla tla, gomme go ba komana bakeng sa tšona.

²¹ Bjale elelwang, Billy Paul Branham, mongwaledi wa rena wa tšhemong, o tla... E godimo... Taba e godimo ga letlapa morago kua, ka bahlokomelaphahlo. Ke na le noute mo go bega seo, le go botša batho ba ka no e bala godimo ga letlapa la ditaba, ge ba eya ka ntle.

²² Bjale, bjale, mosong wo re na le thuto ye kgolo, gomme bošegong bjo re tla leka go e tšwetša pele. Gomme, ge Morena a rata, Lamorena la go latela, ye nngwe, ka go yona. Ke be ke sa tsebe ka fao e bego e eya go teba go fihla ke thoma go ithuta yona. Gomme e sa ntše e le sephiri go nna, le gabjale, gomme kafao ke no tshepela go Morena.

²³ Bjale, lena ka Dibeibebe tša lena, a re phetleng go Dipesaleme 99, 99. Gomme ke tla bala temana ya 1, phuthego ya bala temana ya 2, morago bohole mmogo re tla bala temana ya mafelelo. Re tšwelapele; nna, ya 1; phuthego, ya 2; nna, ya 3; phuthego, ya 4; pele go ya go temana ya mafelelo, gomme ka gona bohole re tla e bala mmogo.

A re emeleleng ge re bala Lentšu la Modimo. [Ngwanešu Branham le phuthego ba bala Pesaleme 99:1-9 ka ge a laeditše—Mor.]

MORENA o a buša; anke batho ba thothomele: o dutše gare ga bakerubi; anke lefase le šišinyege.

MORENA ke yo mogolo ka Tsione; gomme o phagamile ka godimo ga batho bohole.

Anke ba rete leina la gago le legolo le le šiišago; gobane ke le lekgethwa.

Maatla a kgoši gape a rata kahlolo; wena o hlomile tekatekano, wena o phethagatša kahlolo le toka ka go Jakobo.

Lena phagamišang MORENA Modimo wa rena, gomme le rapeleng bogatong bja nao tša gagwe; gobane yena ke yo mokgethwa.

Moshe le Arone magareng ga baprista ba gagwe, gomme Samuele magareng ga bona ba ba bitšago leina la gagwe; ba biditše MORENA, gomme o ba arabile.

O boletše le bona ka go pilara ya leru: gomma ba bolokile mabopaki a gagwe, le ditaelo tše a ba filego tšona.

Wena o ba arabile, O MORENA Modimo wa rena: wena o be o le Modimo yo a ba lebaletšego, le ge o tšere tefetšo ya ditiro tša bona.

Phagamišang MORENA Modimo wa rena, gomme rapelang ka go thaba ye kgethwa; gobane Morena Modimo wa rena ke yo mokgethwa.

²⁴ A re inamišeng dihlogo tša rena.

Therešo, Morena, Mantšu a a ngwadilwe gomme a tlokilwe ke mohlanka wa Gago, Dafida, ka Pesaleme go Wena. Wena o dula gare ga Bakerubi. Wena o yo mokgethwa, gomme thaba ya Gago ke ye kgethwa. A re batameleng kgauswi ka dipelo tša rena difafaditšwe ka Madi a Morena Jesu, ka letswalo la go seka, le ka tumelo le netefatšo gore re tla Bogeneng bja Modimo wa rena. Anke batheeletši bohole ba mosong wo ba be tlhomphokgolo. Bula ditsebe tša rena tša kwešišo. Bolela ka rena, ka bohlale, gore re ke re tsebe ka fao re swanetšego go itshwara renabeng ka matšatšing a ka Bogeneng bja Gago.

²⁵ Re tla rata go Go kgopela, Modimo wa rena, go utolla go rena dilo tše tša sephiri tše di bego di utilwe mengwaga ye yohle, ge re batamela le lengwe le la a go hlomoga, Mantsu a go botega. Wena o boletše ka yona ge O be a le mo lefaseng, le go re, "Yo a balago, anke a kwešiše." Kafao, ka mogau kudukudu re tla go Wena, Morena, le go nyaka bohlale bja Gago, go no se tsebeng se re ka se bolelago. Go dutše ka lenaneo mo Mangwalo a se makae, gomme ka go botega le ka moka re ithekgile godimo ga Gago bakeng sa karabo, e sego bakeng sa morero o mongwe wo re ka tsebago iri ye re phelago, re ka bego re lokišeditšwe dilo tše kgolo tše di letšego pele. A O ka se e fe go rena, Morena, Leineng la Gagwe Yo a re rutilego bohole gore re swanetše go rapela ka mokgwa wo! [Ngwanešu Branham le phuthego ba rapela mmogo go ya ka Mateo 6:9-13.—Mor.]

. . . Tatewešo yo a lego legodimong, leina la gago a le Kgethwe.

Mmušo wa Gago a o tle. Thato ya Gago a e dirwe lefaseng, bjalo ka ge e dirwa legodimong.

Re fe lehono borotho bja tšatši ka tšatši.

Gomme re lebalele dikarogo tša rena, bjalo ka ge re lebalela bao ba nago le dikarogo kgahlanong le rena.

Gomme se re iše molekong, eupša re phološe go tšwa bobeng: Gobane mmušo ke wa gago, le maatla, le letago, go iša neng le neng. Amene.

²⁶ Dulang. Bjale, ge e ka ba mang wa banna a nyaka go hlobola dijase tša bona, e no ikwela o amogolegile. Gomme bao ba emego go dikologa ma—ma mathoko a leboto, ge maoto a lena a eba bohloko, gobaneng, e no ikwela o lokologile go ya ka ntle.

²⁷ Gomme bjale, ke a nagana, ge bana ba nyaka go ya dikamoreng tša bona, goba a ba šetše ba šwalalantšwe? [Ngwanešu Neville o re, “Aowa, ba ka se kgone. Re ka se be le yona mosong wo, ka lebaka la lešaba.”—Mor.] Modiša o bolela gore lešaba le tladiše dikamora, kafao re ka se kgone go ba le sekolo sa Lamorena bakeng sa bona ba bannyane. Gomme re tla thaba ge lena baisa ba bannyane bjale le ka dirišana le rena, bjalo ka ge moso wo re na le, re thoma wo mogolo, Molaetša wo motona wo ke nago le nnete o tla ra taba ye kgolo go tate le mme, le baratwa ba lena ba ba lego mo, gomme ebile le go lena ba bannyane. Kafao, re o batamela ka tlhomphokgolo kudu.

²⁸ Ge Morena a rata, mosong wo re ya go tšea sehlogo sa dibeke tše masomešupa tša Daniele. Gomme mosong wo re bolela ka Daniele ka go tlala, le Gabariele a fofela ka gare go mo laela ka bokamoso. Ge Daniele a be a sa le ka thapelong, Gabariele, Morongwa, o tlide ka gare go mo laela.

Bošegong bjo, ke rata go bolela ka morero momenwagatshela wa ketelo ya Gagwe, dihlogo tše selelago tša go fapana go tlišwa ka gare bošegong bjo, se Gabariele a tšwago go sona.

²⁹ Lamorena la go latela, Morena ge a rata, ke nyaka go bea lebaka le nako ya Mabaka a Šupago a Kereke, le nako yeo a lego, le moo re emego lehono. Seo ke sa Lamorena la go latela mosong, Morena ge a rata.

³⁰ Bjale, lebaka la se. Ke tlide le tše dingwe tša dinoutse tše nnyane go tšwa go Melaetša ya ka e sego mekae ya go feta. Gomme mosong wo ke nyaka go lepelelela ka kua, gobane wo o godimo ga theipi ya makenete ye e tla yago gohlegohle lefaseng, ditšhaba tše ntši. Gomme, ka mehla, lebaka leo ke lepeleletšago morago, ke mohlomongwe yo mongwe o tla kwa theipi lekga la mathomo la bona, gomme a ka se kgone go kwešiša se ke bego ke se ra ge ke šupa morago go se sengwe gape.

³¹ Re bile lebaka la dikgwedi bjale ka go ithuteng Puku ya Dikutollo, Kutollo ya Jesu Kriste. Re tlide go kgabola mabaka a kereke. Ditema tše tharo tša mathomo tša Dikutollo e be e le mabaka a kereke. Morago Johane o ile a ubulwa ka go tema ya 4 le ya 5, gomme a laetšwa dilo tše—tše di bego di swanetše go ba ka morago ga tše. Bjale, ka go tema ya 6, o rothela fase ka lefaseng gape, go bona dilo di direga tše di tla tlogago go

tloga go tema ya 6 temana ya 1, go fihla tema ya 19 gomme temana ya 21. Ka fa go tla Mahuto, Dikotlo, Masetlapelo, ditšie, mo—mo mosadi letšatšing, le go lahlelwa ntle ga trakone ye khubedu, go swaiwa ga ba dikete tše lekgolo masomenne nne, le dilo tšohle tše.

³² Ye e bile beke ya go ithuta go gotona. Maabane, letšatši lohle, ga se nke ke kgone go tšwa kamoreng, ke leka go ithuta. Gomme ke se sengwe ka go nako ya mafelelo, ba bantši ba batala mo, ba ke ba rutilego, ke nno re, “Ka mo ke ga dibeke tše masomešupa tša Daniele,” eupša ga se ka leka go e hlasela, go e hlaloša. Eupša nako ye, ka mogau wa Modimo, ke e tsee go nnamong go leka go kgopela kgaogelo pele ga Modimo, gore nke ke kgone go e tliša go batho. Gomme ka mo ke hwetša dilo tše ke sa tsebego selo ka se tee sa tšona.

³³ Gomme, ka gona, ke—ke be ke bala puku ya Ngak. Larkin, puku ya Ngak. Smith, dinoutse tša Ngak. Scofield, ditshwayo tša go fapano go tšwa go banne mogohle, gomme efela ga ke kgone go bea tša bona mmogo go e dira e tšwelele gabotse. Le a bona? Kafao, beke ye ke polanne go, ke be ke etela bokgobapuku ka Kentucky, ka go tše dingwe tša ditšupamabaka le dinako tša boithutadinaledi bja bogologolo, le go topa go tšwa makgobapukung, le go ya pele, dipuku tšohle tša bogologolo tše nka kgonago, le go bonnyane bjo nka kgonago go bo dira, le go beng le tshepo ya ka ka go botega ka go Jesu Kriste go e utolla.

Gobane, ga ke nyake gore e re, “Ke tseba *se*, gomme ke tseba *seo*.” O tseba pelo ya ka. O ntneeditše. Eupša ke a e nyaka, gore ke kgone go sedimoša batho ba Gagwe, kagona ke a dumela gore O tla mpha yona. Ga ke tsebe gabjale, eupša ke a Mo tshepa bakeng sa Lamorena la go latela, gobane e tla ba karolo ye tona, Lamorena la go latela, go tseba le go bea dibeke tše masomešupa.

³⁴ Ye nngwe le ye nngwe e ne lefelo la go fapano. Gomme ge o dira, o ya go di kitimiša tšohle go kgabola, ga di tle ntle gabotse, ga di bolele gabotse. Go ka se kgonege. Gomme, kagona, nka—nka no se kgone go e bea gabotse, eupša ke ya go tshepela go Morena bakeng sa yona.

³⁵ Gomme ke elelwa Salomo nako ye nngwe a rapela le go kgopela Morena Modimo ge eba O be a ka mo fa bohlale, e sego bakeng sa gagwemong, “e sego kokeletšo ya matšatši, e sego bophelo bjo boteletšana, e sego mahumo,” eupša gore a ke a be le bohlale go tseba mokgwa wa go—go—go ahlola batho ba Modimo. Gomme Modimo o ile a hlompha thapelo yeo, gomme a fa Salomo bohlale bjoo, gobane e be e le bakeng sa batho ba Gagwe. Gomme ke ka baka leo ke kgopelago Modimo go ntira ke tsebe se dibeke tše tše masomešupa di se rago, gobane ke a tseba ke tšhupamabaka tlwa bakeng sa lebaka le re phelago ka go lona.

Gomme, kagona, ke nyaka go e tseba; e sego bakeng sa nnamong, ke . . . e sego bakeng sa nnamong. Nnete, ke nyaka go e tseba. Ga ke e bolele ka tsela yeo, “E sego bakeng sa nnamong,” gobane ke e nyakela nnamong. Ke nyaka go tseba, gobane ke nyaka go tseba mo re phelago le nako ye re phelago ka go yona. Gomme, ka gona, ke a tseba gore yeo e filwe.

³⁶ Gobane ba go fapanā ba e nagantšitše, gomme ba bile le yona moragorago. Moisa yo motee, ke be ke bala, o bile le yona e felela ka 1919, ya dibeke tše masomešupa. Gabotse, go be go se bjalo.

Kafao, ka morago ga dibeke tše masomešupa, gohle go fedile. Kafao ga—ga re . . . Re nyaka go tseba Therešo. Gomme ke kgopela Modimo go mpha Therešo.

³⁷ Bjale, gore ke thekge se, ke ya morago, ke nyaka go bušeletša bonnyane nthathana bja morago. Kafao, kagona, dinoutse tsoko tše ke di thalathadilego fase, tše re bilego le tšona ka go ya 5, tema ya 4 le ya 5, gore batho ba tla kwešiša. Sa pele, pele re dira se, ke nyaka go e lepeleletša, gore le tla hwetša go tšwa go ya 4 . . .

Bjale, elelwang, tema ya 3 e be e le Lebaka la Kereke ya Laodikia, gomme kereke e tšeetšwe godimo bofelong bja Laodikia.

³⁸ Bjale, ke be ke leka go hlaloša se sengwe go mosadimogatša wa ka ka yona. Ke bile le Becky, morwedi wa ka, le mehuta yohle ya dipukuntšu le dilo tše re kgonnego go di hwetša. Ga di fe karabo. Ke na le pukuntšu ya Beibele. Ke na le pukuntšu ya kgale ya Segerike. Ke—ke ne we—we Websters le tše dingwe tše ntši, dipukuntšu tša sebjalebjale. Ga go le e tee ya tšona e kgonnego go e hwetša ebile . . . go fa mantšu goba karabo, ka tsela e ka ba efe.

³⁹ Mosadimogatša wa ka o rile, “O letela bijang batho ba rena, e lego batho ba go itlhokela, gomme ba bantsi ba bona ga se ba rutega boka re le, go kwešiša se sebjalo?”

Ke rile, “Modimo o tla fa karabo.”

⁴⁰ Ga go kgathale e raragane gakaakang, Modimo a ka kgona go e hlopholla le go e dira bonolo. Gobane ke rena . . . karolo ya batho bao ba hlologetšego, ba rapelela letšatši leo le iri yeo. Gomme mahlo a rena a beilwe go lebanya Legodimong, gomme re šeditše bakeng sa go Tla ga Gagwe. Gomme ke no ba le nnete gore O tla re laetša. Bjale, e ka se re botše letšatši goba iri, gobane ga go motho a tla tsebago seo, eupša ka nnete e tla re botša letšatši la beke ye re phelago, ge re ka kgona go no e hwetša.

⁴¹ Bjale, ka go tema ya 4, Johane o ile a ubulelwā godimo ka pela, morago ga Kereke. Johane, go yeng godimo, o bone lebaka la Kereke la go felela. Moo ke mo ke nyakago go ema, motsotswana feela, go bolela, gore: batho ba bantsi ba ba letetšego sengwe se segolo, se setona, selo sa maatla go direga,

ka go lebaka la Bantle, ka nnete ba phošo. Lebaka la Kereke, le tšohle tše di tla diregago lebakeng la pušo ya Bantle, le rekotilwe go tloga go Dikutollo 1 go ya go Dikutollo 3, go akaretsa. Morago Kereke e ile ya hlatlošwa le go tšeelwa godimo, gomme ka moka ga se, go ya go tema ya 19, ke se se diregago go morafe wa Bajuda, morago ga ge Kereke e ile godimo. Gomme ke nako ya Tlaišego ye kgolo, ga go selo go direga magareng ga Bantle; ge e se feela go bolaya, le go ya pele, ge re tla ya go yeo le go bona.

⁴² Eupša Kereke, Yonamong, e sepetsé go ya 13 . . . Go temana ya mafelelo ya tema ya 3 ya Dikutollo, ge Lebaka la Kereke ya Laodikia le fela, e bego e le la mafelelo.

⁴³ Gomme re tšere lebaka la kereke le lengwe le le lengwe, nako ye nngwe le ye nngwe, selo se sengwe le se sengwe se se diregilego, naledi ye nngwe le ye nngwe, motseta yo mongwe le yo mongwe, tlhago ya bona, se ba se dirilego, le go le tlisa thwi go theoga go kgabola histori go fihla go lona la mafelelo, a thadilwe thwi kua godimo ga seswantšho, ka lehlakoreng la leboto. Gomme ge re feditše, Moya wo Mokgethwa o tlide ka gare gomme o dirile ntikodiko ya selo sa go swana godimo ga leboto, gomme o e utolotše ka Boyenamong thwi mo go rena bohole.

⁴⁴ Bjale, go direng se, ke a tshepa, bofelong bja se O tla tla ka se sengwe se setona le go re laetša gape gore re nakong ya bofelo.

⁴⁵ Ke ba bakae ba lena ba kwelego ya Kennedy . . . polelo ya Mopresidente Kennedy, ditshwayo le go ya pele? Ke ba bakae ba kwelego kakanyetšopele ye, gore ka Janaware la 1, go akanyeditšwepele gore bobedi United States le Russia e tla ba melora ya bolekheno? Seo ke sohle re se hlokago. Go thari go feta ka mo re naganago. Le a bona? Kafao, ge re le kgauswi bjalo go fihla ebile banna ba lefase le ba akanyetšapele selo se segolo se go direga, bokaone re ntše mahlo dinameng, se sengwe le se sengwe se be nakong, maipolelo ohle a dirwe, se sengwe le se sengwe komana, gobane ga re tsebe e no ba nako mang Morena wa rena a yago go re bitša. Gomme ge A efa dipitšo, "Etla godimo," bokaone o be komana. Gomme e ya go tla ka go iri ye o sa naganego.

⁴⁶ Tsošeletšo ye kgolo ya Pentecostal bjale e a goma. Re e bona mogohle, mosepelo wo mogolo wa mafelelo. Molaetša o ile pele. Se sengwe le se sengwe se komana bjale, se letile. Kereke e swailwe. Babe ba dira bobe go fetiša. Dikereke di ba bokerekgo go fetiša. Bakgethwa ba tla kgauswana go Modimo. Dimpho tše Moya di thoma go ata ka dihlopheng tše nnyane. Re nakong ya bofelo. Oo, ke rata pina yela re bego re tlwaetše go e opela ka kerekeng.

Ke šeditše go tla ga Letšatši lela la lethabo la
milieniamo,
Ge Morena mošegofatšwa wa rena a tla tla le
go ubula Monyalwa wa go leta wa Gagwe;

Oo, pelo ya ka e a lla, e nyoretšwe letšatši lela
 la tokologo ye bose,
 Ge Mophološi wa rena a tla tla morago lefaseng
 gape.

⁴⁷ Go letela iri yeo! Bjale, ka go tema ya 5 gomme ditemana tša 5, re a hwetša, ka go thuto ya rena ya go feta, gore re boletše ka Molopolodi yola wa Lelokokgauswi, yo re e hweditšego e be e le Kriste. E swantšhitšwe ka Ruthe: Ruthe a tšea sephetho; Ruthe a direla; Ruthe a khutša. Go tšea sephetho, e be e le tokafatšo; go direla, a itira yenamong komana, tlhwekišo; go khutša, o be a ne Moya wo Mokgethwa, go fihla Selalelo sa Lenyalo se tlie. Botse bjang!

⁴⁸ Kereke e tla ka John Wesley, tokafatšo, goba... Martin Luther, tokafatšo; ka John Wesley, tlhwekišo; ka Pentecostal, kolobetšo ya Moya wo Mokgethwa; gomme bjale, e a khutša, e letile go Tla ga Morena wa Gagwe. Phethagalo!

⁴⁹ Molopolodi wa rena wa Lelokokgauswi, bagolo ba be ba rereša ge ba Mmeditše Kwana, e le kgauswi le go ba Tau, bjalo ka moahlodi. O be a le Kwana, le a tseba, ka Puku ya go tswalelwka mahuto a šupago. Ge Puku e tšewa, mošomo wa boboelanyi o be o fedile.

⁵⁰ Bjale, ka go tema ya 3, Kereke e be e ile godimo, eupša bjale topollo e swanetše go utollwa, kafao Kereke e lopollago—lopolotšwego, kutollo ya se se diregilego lebakeng la lebaka la Kereke. Le a bona, Kereke e sepetše, kafao bjale O a laetša, ka go tema ya 5, ka fao A e dirilego, se se diregilego, kafao A swailego Kereke. Kutollo ya Leina la Gagwe; kolobetšo ya meetse, go šomiša Leina la Gagwe; Bophelo bjo Bosafelego; ga go hele ya Gosafelego; peu ya sephente; tshireletšo ya Gosafelego; dithuto tšohle tše kgolo, kgethelopele ya Kereke ye e utolotšwego go Kereke. O laetša ka fao A e dirilego.

⁵¹ Bjale, wa Lelokokgauswi wa rena o neelwa Puku ya go tswalelwka mahuto a šupa ya Topollo go tšwa go Mong wa setlogo. Amene! Yo e bego e le, re hwetša, o be a le Mong wa setlogo? Modimo Yenamong. “Gomme Kwana e tlie gomme e tšere Puku go tšwa seatleng se setona sa Yena yo a bego a dutše godimo ga Terone.” Kwana e be e le mang? Molopolodi, Molopolodi wa rena wa Lelokokgauswi, Lelokokgauswi go Kereke, Yo a tlagos gomme a lopolotše Israele.

⁵² Bjale re ya go tsena ka go yeo mosong wo. Israele e ile ya lopollwa, eupša e be e sa dirišwe go bona, gobane ba Mo ganne. Eupša, Kereke e amogetše topollo ya bona, gomme Yena ke Molopolodi wa rena wa Lelokokgauswi. Bjalo ka ge Boase a ile a swanelo go lopolla Naomi, gore a hwetše Ruthe, Momoaba, modiiledi, Montle, kafao Kriste o lopolotše Israele, o dirišitše topollo, gomme a ganwa.

⁵³ Le elelwa tshwarelo, gore monna o ile a thunngwa, ye ke le boditšego yona nako ye nngwe? Ka nako ya ntwa ya banabathari, ge... O be a le monna wa go loka. O be a se ne molato, gomme ba mo hwetša molato. Le ge, a be a le molato ka tsela yeo, gore o tšhabile ka nako ya ntwa. Gomme ba mo hweditše molato gomme ba be ba eya go mo thunya. Gomme monna o ile go Mopresidente Lincoln gomme o rile, "Mna. Lincoln, yo ke monna wa Mokriste. O be a tšhogile. Mošemane, ke tseba batho ba gabu. O be a no boifa. O be a sa re go kweša bohloko. O tšhabile." O rile, "Mna. Lincoln, e ka diatleng tša gago. Ke wena o nnoši o ka kgonago go mo swarela."

Mna. Lincoln o topile seripana sa pampiri le pene ya gagwe, gomme a saena, "Swarela yo *Semangmang*. Abraham Lincoln."

O kitimetše morago kgolegong, gomme o rile, "Še yona. Ke hweditše tshwarelo ya gago."

⁵⁴ Gomme monna o rile, "Ke gana go e lebelela. E swanetše go ba le leswao le legolo godimo ga yona. E tla ba se sengwe le se sengwe. O no ba o leka go intira sesegwa. Ga se Abraham Lincoln. Mang kapa mang a ka kcona go seana leina la gagwe. Eupša e swanetše e ngwalwe ka leswao la gagwe, le go ya pele, ge e etšwa go yena." Gomme monna o mo phegetše; le ge monna ka kgolegong a nagana o be a bapala, gomme a no tloga.

Mosong wa go latela, o ile a thunngwa. Gomme ka gona morago ga go thunngwa, ka gona go ile gwa ba tsheko ya kgorotsheko ya federale, gobane Abraham Lincoln, diiri tše masomepedi nne pele monna a thunngwa, o saenne leina la gagwe gore monna yo o be a swaretšwe. Gomme ka gona mmušo o mo thuntše, golebjalo. Gona eng? Kgorotsheko ya federale ya United States, e rile, e tlile sephetong se sa dikgorotsheko tša Federale, e rile, "Tshwarelo ga se tshwarelo ntle le ge e amogetšwe bjalo ka tshwarelo."

⁵⁵ Gomme Jesu o lopolotše Israele mo Khalibari. Eupša e be e se tshwarelo go bona, gobane ga se ba ke ba e amogela bjalo ka tshwarelo. Eupša, ka go thuto ya rena bjale go dibeke tše tše masomešupa, re a hwetša ba tla morago gomme ba amogela tshwarelo ya bona. Eupša, O lopolotše Kereke, ka gona re lebaletšwe gobane re amogetše Madi a Jesu Kriste bjalo ka tshwarelo ya rena.

⁵⁶ Bjale, re a hwetša gore O be a le Molopolodi wa Lelokokauswi wa rena, gomme O tšere Puku go tšwa seatleng sa Mong wa setlogo. Ke tokelo ya bong ya topollo. Re hweditše seo. Le elelwa thuto? Ke tokelo ya bong ya topollo. Ke tiro peeletšo le yona, gore Modimo o nyakile bophelo bakeng sa lehu, ka serapeng sa Edene. Ka gona, Jesu, Yena moloki, o hwile gomme o tšere tokelo ya bong, gomme o kgonne go kgaola Mahuto, a utolla se se bego se le ka go Wona; le go fa bohwa bjo e bego e le bja Gagwe, go batho ba Gagwe. Bophelo bjo Bosafelego, bjo A bilego

mojabohwa wa bjona ka go dira seo, O fetišeditše Bophelo bja Gagwe Mong morago ntle, mo Khalibari, gomme a bo aroganya magareng ga rena ka Moya wo Mokgethwa. Amene! Ga go motho (go se tsoge) a kilego a kgona go tla ebile go nagana ka lerato le leo le bilego, se A se dirilego!

⁵⁷ Sathane, yo a kilego a ba mong ka baka la go wa ka serapeng, o tlemilwe gomme a lahlelwa ka Letsheng la Mollo. Matšatši a gagwe a fedile.

⁵⁸ Jesu, ka go Ebangedi, o bile le dithaetlele tše nne. Re swere seo. Morwa wa Dafida, mojabohwa wa Terone; Morwa wa Abraham, mphiwafela wa bogoši; Morwa wa motho, mojabohwa wa lefase; Morwa wa Modimo, mojabohwa wa dilo tšohle. Mphiwafela wa bogoši!

⁵⁹ Ka go Testamente ya Kgale, thoto e be e sa kgone—kgone go swarwa boteletšana e ka ba bofe go feta mengwaga ye masometlhano. E be e ka se kgone go fedišwa go tloga go mong wa yona wa setlogo eupša mengwaga ye masometlhano. Gomme letšatši la bomasomenne O lefile poreisi. Letšatšing la bomasometlhano, topollo le maatla e lego a Kereke, ao a lobilwego ka serapeng sa Edene, a lopolotšwe morago, gomme a romelwa go rena ka kolobetšo ya Moya wo Mokgethwa, ka letšatši la bomasometlhano.

⁶⁰ Ka gona re topile se, sekrolo. Re topile disekrolo, gore kafao sekrolo se se neetšwego seatleng sa Gagwe. Kafao gore Jeremia, ka go Jeremia 32:6, motswalagwe, Hanamiele, a bego a mo tlogeletše bohwa tsoko. Gomme ba be ba eya bothopša. E lego, re ya ka go bjona, le yena, mosong wo: bothopša. Gomme bo ile bja bolokwa ka go sebjana sa letsopa; go laetša moo maatla a Modimo, gomme disekrolo le diphiri tša Modimo, se a tsebja, ka pelong. Polane ya rena ya topollo, ya go swana e bolokilwe ka go dibjana tša letsopa, Leina la Jesu le kutollo.

⁶¹ Re hwetša gore se se be se tswaletšwe ka Mahuto a Šupago, gomme Lehuto le lengwe le le lengwe le be le tateditšwe go dikologa. Gomme ge kutollo e etla pele, O gogile Lehuto, le go bofolla le le go bala se Lehuto leo le se boletšego. Kagona O bofolotše sa go latela, sekrolo, le go bala se Lehuto leo le se boletšego. O bofolotše la go latela, a le gogela ntle le go bona se Lehuto leo le se boletšego, le se kutollo e bego e le sona. Seo ke tlwa se Mahuto a rena a Šupago, ao re yago ka go wona e sego kgale, re a tshepa, re tla dira. Lehuto le lengwe le le lengwe, ge le tlošwa Pukung, le tla tatollwa, gomme seo se tla laetša tlwa se se diregago.

⁶² Re a hwetša gore go ne “šupa,” tlhano ka go polane ya topollo. Tlhano ke nomoro. Gomme go na le bošupa ba bahlano: Mahuto a Šupago, Meboya ye a Šupago, barongwa ba šupago, Diphalafala tše Šupago, le mabaka a šupago a kereke. Kafao, le a bona, bošupa ba bahlano ke mogau. Tlhano ke mogau, gomme šupa

ke phethagalo. Kafao e no kitima ka go phethagala feela tlwa, le a bona. Go lokile.

⁶³ Boka, Lehuto le lengwe le le lengwe ge le kgaolwa ka Lentšung la Modimo, le utolla go monna wa lebaka, ke lebaka lefe re phelago ka go lona, moyo wa lebaka, kereke ya lebaka. Kutollo 10, mo bofelong, re a hwetša ge Lehuto la mafelelo le kgaolwa, re hwetša Morongwa a eme ka leoto le tee nageng, le le letee godimo ga lewatle, le diatla tša Gagwe godimo Legodimong, le molalatladi godimo ga hlogo ya Gagwe, a ena ka Yena yo a phelago neng le neng, gore nako e fedile, ge Lehuto la mafelelo. Gomme letang go fihla re fihla ka go wona Mahuto le go bona mo Lehuto leo le lego.

Morago ga go hwetša dibeke tše masomešupa, gona bonang moo Mahuto a lego, “Nako e fedile,” topollo e fedile, Yena bjale ke Tau le Moahlodi. Yena ke Mophološi wa gago mosong wo, eupša letšatši le lengwe O tla ba Moahlodi wa gago.

⁶⁴ Ya 8 go ya go ya 1... temana ya 14 ya tema ya 5, e utolla nako bakeng sa Kwana go rapelwa, bobedi ka Legodimong le ka lefaseng; Puku ya mahuto a šupago, Kwana ya maswanedi, Molopolodi wa Lelokokgauswi. Gomme go tloga go temana ya 8, go ya go ya 14, Barongwa ba a Mo rapela, bagolo ba a Mo rapela, Dibopiwa tša go phela di a Mo rapela. Gomme Johane o Mo rapetše go fihla a rile, “Sebopiwa se sengwe le se sengwe Legodimong, ka lefaseng, ka fase ga lefase, di nkwele ke re ‘Ditšegofatšo, letago, maatla, bohlale, di ke di be go Kwana.’” Nako ya go rapela bakeng sa Kgoši Kwana. Bjale, Kereke e sepetše, elelwang.

⁶⁵ Bjale a re phetleng go Daniele, gomme tema ya 9, gomme ditemana ya 1 go ya go ya 3. Gomme ka gona re ya go tše ya 20 go ya go ya 27, gobane ye e no ba thapelo ya Daniele. Ke le nyaka le bale ye gape le gape, go kgabola beke, bjale, go fihla o e hwetša.

Ka ngwaga wa pele wa Dario morwa wa... peu ya Bamedia, yo a dirilwego kgoši ka godimo ga sekgao sa Bakaladea;

Ka ngwaga wa pele wa yona puša nna Daniele... - šišitše, kwešišitše ka dipuku gore palo ya... mengwaga, yeo lentšu la Modimo le tliego go moprofeta Jeremia, gore o tla fetša mengwaga ye masomešupa ka tšhwälalanyang ya Jerusalema.

Bjale (ya go latela) *ke beile sefahlego sa ka go Morena Modimo, go nyaka ka thapelo le diphegelelo, le go ikona, le diaparo tša masaka, le melora:*

...ke rapetše go MORENA... Modimo, gomme ke dirile boipolelo bja ka,...

⁶⁶ Gomme o ya pele le pele go fihla bjale re etla go tema ya 20. Go boloka nako, batho ba eme, ke le nyaka le ye go 20, go fihla re fihla fase bjale go ya—go ya 20 temana.

*Gomme ge ke be ke bolela, le go rapela, le go ipolela
sebe sa ka le sebe sa batho ba gešu Israele, le go neela
dikgopelo tša ka pele ga MORENA Modimo wa ka bakeng
sa thaba ye kgethwa ya Modimo wa ka;*

Efela, ge ke sa bolela ka thapelong, ebile monna Gabriele, yo ke mmonego ka ponong mathomong, a thoma . . . a tla a fofa ka lebelo, a nkqwaththa e ka ba ka nako ya sehlabelo sa mantšiboa.

Gomme o ntsebišitše, gomme a bolela le nna, gomme a re, O Daniele, bjale Ke tlie pele go go fa bokgoni le kwešišo.

⁶⁷ Go ka reng ge re ka be re kgonne go ba kua! O mo hweditše bjang? Ka thapelo.

Morongwa, “monna.” Le a hlokomela, o Mmiditše, “monna.” Gomme go beng wa . . .

Gomme mathomong a dikgopelo tša ka taelo e tlie pele, (gomme e tlie pele bakeng sa gagwe go ya), gomme Ke tlie go go laetša; gobane o ratwa gagolo: ge . . . kagona kwešiša taba, gomme nagana ka tlhokomelo pono.

Dibeke tša masomešupa di beetšwe godimo ga batho ba geno le godimo ga toropokgolo ye kgethwa ya geno, goba toropokgolo ya gago, go fedisa karogo, . . . go tliša bofelo bja sebe, le go dira poelano bakeng sa bokgopo, le go tliša ka gare toko ya gosafelego, le go tswalela pono le seprofeto, le go tlotša Sekgethwakgethwa.

Seleo lebaka lemenwagatshela la go tla ga Gagwe. Bjale hlokomelang.

Bjale, kagona, re a tseba kagona le go kwešiša, (bjale theetšang) gore go tloga ga go tšwa ga taelo go bušetša le go aga Jerusalema go ya go . . . Mesia Mokgoma e tla ba dibeke tše šupago, . . . masometshela le dibeke tše pedi: gomme mokgotha o tla agiwa gape, le maboto, ebile ka nako ye thata.

. . . ka morago ga masometshela le dibeke tše pedi Mesia o tla ripša, eupša e sego bakeng sa gagwemong: gomme batho ba mokgoma ba tla tla—mokgoma ba tla tla gomme . . . ba senya toropokgolo le sekgethwa; gomme bofelo bja yona e tla ba ka mafula, . . . go fihla bofelong go beetšwe ntwa le ditšhwalalanyo.

Gomme o tla tiišetša kgwerano (theetšang) le ba bantši lebaka la beke e tee, e tee ya dibeke tše tše masomešupa: gomme bogareng bja beke o tla dira sehlabelo le . . .

sedimo go kgaotša, gomme bakeng sa go phatlalalakudu ga makgapha, o tla dira tšhwatalalanyo, ebile go fihla bofelong, gomme kotlo e tla tšhollelwa godimo ga tšhwatalalanyo.

⁶⁸ Bjale, go ne thuto ya rena lebaka la dibeke tše tharo tša go latela, tše nne, tše tlhano tša kopano, e ka ba eng Morena a tla e utollago. “Dibeke tše masomešupa.”

⁶⁹ Bjale, ke tla kgopela Doc, ge a ka rata, bosegong bjo, go bea letlapa la ka godimo kua, gore ke kgone go e maraka. Ga ke nyake le e foše. Bjale le swanetše go ithuta le nna, le go ithuta go teba, goba le tla e foša. Gomme ke nyaka go e thala ntle mo godimo ga letlapantsho, gomme ka gona le tle le diphensele le pampiri ya lena le ngwale matšatšikgwedi a, dinako tše, le tšohle ka yona.

⁷⁰ Bjale, dibeke tše masomešupa di thoma (bjale hwetšang se) morago ga ge Kereke e ntšhitšwe. Bjale, yo mongwe le yo mongwe o kwešiša seo, e reng, “Amene.” [Phuthego e re, “Amene.”—Mor.] Bjale, morago ga ge Kereke e ntšhitšwe.

⁷¹ Kutollo 6:1, go ya go Kutollo 19:21, e kgokagane le dibeke tše masomešupa, kagona re swanetše go ema le go hlaloša, pele re eya kgojana. Re swanetše go ema le go hlaloša gobaneng dibeke tše tše masomešupa. Gobane, ge o sa dire, o tla foša Mahuto ao, o tla foša Diphalafala tše, o tla foša Meruswi yeo, Dikotlo tše, memoya yeo ye meraro ya ditšhila boka digwagwa, Masetlapelo ao a mararo, go rakelwa ntle ga trakone ye khubedu, mosadi letšatšing. O tla e foša yohle, ge o sa dire, gobane e direga thwi mo ka go beke ye ya masomešupa. Ke moo e diregago.

⁷² Bjale, moprofeta Daniele o bile ka Babilonia lebaka la mengwaga ye masometshela seswai. Lena ba le nyakago go iša tšhupo morago, le go ipolokela lenabeng ye nngwe ya nako, ye ke swanetšego go—go lebelela godimo. Mengwaga ye masometshela seswai! O ile ka bothopša ka b.c. 606, gomme ge pono e tlide go yena e be e le—e be e le b.c. 538. 538 go tšwa go 606, e tlogela masometshela seswai. Mengwaga ye masometshela seswai o bile ka Babilonia, magareng ga bahetene, gomme o ntše a sa bile le phenyo. Amene. Re ka se kgone go dula iri.

⁷³ Eupša o be a le ka go bjona bogare, a se ne motho eupša bagwera ba bararo, gomme bona ka go dikarolo tša go fapana tša mmušo. Eupša, Daniele, a eme a nnoši le Modimo, o swere phenyo lebaka la mengwaga ye masometshela seswai. Naganang ka yona! Ga ke nyake go thoma go rera, gobane wo e swanetše go ba Molaetša wa go ruta. Eupša, mengwaga ye masometshela seswai, o bolokile phenyo gomme a se ke a tšhilafatšwa, pele ga Modimo; ntle le kolobetšo ya Moya wo Mokgethwa, ntle le Madi a Jesu Kriste go mo direla dipuelano; ka feela madi a dipoo, le dipudi, le dithole, tše a bego a swanela go di neela ka sephiring, ka baka la metlwae ya bahetene ba naga yeo. Ba išitšwe tlase kua. Jeremia o profetile ka bona, gore ba be ba eya tlase.

⁷⁴ Bjale, Daniele, oo, nna, o be a thoma go bona gore nako e be e batamela, feela bjalo ka ge re le lehono. Daniele o thoma go “kwešiša,” o rile, “ka go bala dipuku.”

Gomme *ka ngwaga wa pele wa pušo ya... Daniele...*
ka go pušo nna Daniele ka kwešiša ka dipuku
palo ya... mengwaga, kagona... lentšu la MORENA
le ttile go Jeremia moprofeta, leo le swanetšego
go phethagatša mengwaga ye masomešupa ka...
tšhwalalanyo ya Jerusalema.

⁷⁵ Jeremia, ka b.c. 606, o profetile, ka baka la dibe tša bona le gohlokabomodimo, gore ba be ba tla ba mengwaga ye masomešupa.

⁷⁶ Le a elelwa, go bile moprofeta yo mongwe a tlilego godimo ka letšatšing leo. Ga ke kgone go bitsa leina la gagwe. Nka kgona go le swara bakeng sa lena ka go me—me metsotso e se mekae, ge nka lebelela morago lebakana. Eupša o tlile godimo gomme o rile, “Jeremia, o fošitše. Modimo o no ya go swara Israele tlase kua matšatši a mantši bjalo, a mantš bjalo, e ka ba mengwaga ye mebedi.”

⁷⁷ Jeremia o rile, “A go be bjalo. Amene.” O rile, “Eupša ema motsotso. Anke wena le mna re hlodišiše seng sa rena, bjalo ka baprofeta.” O rile, “Elelwa, go bile bao ba profetilego pele ga rena, gomme ba boletše dilo tše di bego di fošagetše. Gomme Modimo o ba šogašogile bakeng sa go bolela dilo tša phošo. Kafao, anke re be le nnete. Eupša Morena Modimo o mpoditše go ne mengwaga ye masomešupa gabjale.”

Modimo o iteile moprofeta yoo wa maaka, le go tšeа bophelo bja gagwe ngwaga woo wa go swana, gobane Modimo o be a boditše moprofeta yo wa therešo gore e be e le mengwaga ye masomešupa.

⁷⁸ Gomme ke le nyaka le hlokomele ka fao Daniele, efela modiiledi, efela a ntšhitšwe bathong ba gabon, a ntšhitšwe kerekeng ya gabon, ntle le tirelo e tee ya kereke, ntle le kereke e ka ba efe go ya go yona, ntle le dipina e ka ba dife go opelwa eupša tše a di opelago yenamong, bogareng bja sohle se, o be a sa ntše a swareletše godimo go se moprofeta a se boletšego. Amene! Amene!

⁷⁹ Go se kereke go ya go yona, go se ne motho yo a kopanelago le yena; yo mongwe le yo mongwe o ile ditempeleng tša bahetene, yo mongwe le yo mongwe o be a rapela medingwana. Go se ne dikoša tša Bakriste; go se ne motho a bego a dumela selo sa go swana a dirilego. Gomme mo mengwageng ye masometshela seswai, go tloga go lesogana la e ka bago lesomepedi, lesomenne la mengwaga bogolo, ge a be a tšeelwa tlase kua, o swareletše therešo go Modimo; gomme o kwešišitše ka moprofeta wa Jeremia gore matšatši a be a nyakile go phethagatšwa.

Seo se ka sebotša bjang pelo ya moprofeta wa therešo e ka ba mang wa Modimo lehono, gore re lebelela morago le go bona se moprofeta yo wa therešo a se boletšego, gomme ra tseba gore re nakong ya bofelo.

⁸⁰ O rile, “Ke kwešišitše ka dipuku tše Jeremia, ngwanešu wa ka, ye mentši, mengwaga ye mentši ya go feta, a profetilego gore Israele e be e tla dula tlase mo mengwaga ye masomešupa. Gomme nako yeo e kgauswi le go phethagala.” Gomme o ile a itira komana yenamong. Gomme a bitša go ikona, gomme a itlhwekiša yenamong, gomme ge... melora le diaparo tša masaka, gomme a o bea godimo ga hlogo ya gagwe, gomme a ya go ikona le go rapela, go kwešiša gore ke letšatši lefe ba bego ba phela ka lona.

⁸¹ Gomme ge Daniele, moprofeta wa Morena, a kgonne go botšiša dipuku tša Jeremia, gomme tša mo tliša go lefelo le le bjalo; ebile Israele e ile ntle, bona bohle ba phela, ba tšwela ka Babilonia, go boela morago go nagalegae, go mo dirile a ikone ka diaparo tša masaka le melora. Ke gakaakang go fetiša go swanetšego go go dira go Kereke ya Modimo wa go phela, go tseba gore nako e a nyamalala gomme e ka se sa ba gona; gomme go Tla ga Morena Jesu Kriste, le Mileniamo wo mogolo go komana go tla ka gare! Re ka fetša bjang nako ya lefela, re kempola, meleteng ya go thutha ka Malamorena, go se be le nako ya Morena? Go no kitimela tlase... Ge modiša a bolela ka se sengwe sengwe seo o sa se ratego, o a emelela le go ya ka ntle. Gomme ge ke—ge kereke e swarelala botelele kudu, gobaneng, o—o, ga—ga se wa kgotsofala. Lebelelang seemo sa rena. Lebelelang se re se dirago.

Bapetšang maphelo a rena le moprofeta yola. Monna yo motee, ka go mmušo wa go felela, a se ne kereke go ya go yona, gomme go se le e tee e ka ba kae gape go ya go yona. E be e thubilwe le go tshungwa; toropokgolo ya gabon, batho ba gabon ba thopilwe. Mengwaga ye masometshela seswai! Masometshela seswai, masometshela senyane, masomešupa; o be a šaletšwe ke mengwaga ye mebedi. Gomme ge a thoma go bala ka pukung le go bona gore nako e be e batamela kgauswi le go phethega, go phethagala, o ile go Modimo ka thapelo, go hwetša ka yona.

⁸² A nako! Re dira eng? Ge, “Ditšhaba di a thubega; lewatle le a rora; pelo ya banna e šitwa ka letšhogo; nako ye thata.” Dilo tšohle tše, mongwalo wa seatla godimo ga leboto. Tšhwatalano ye semorafe; mehuta yohle ya bobe e ya pele lefaseng; le go baka, le dintwa, le dikgogakgogano. Gomme dibetša di kadietše mafegong, tše setšhaba se sennyane sa bogolo bja Cuba tlase mo se ka kgona go hlasela lefase ka motsotsa. Gomme bona ba bakišana seng sa bona, banna ba go hloka modimo ba ba sa tsebeg Modimo le go se tsebe maatla a Gagwe.

Gomme Moya wo Mokgethwa ka Kerekeng, o sepela magareng ga Bakgethiwa, a ipontšha Yenamong go phela ka morago ga mengwaga ye dikete tše pedi, gore O a swana maabane, lehono, le neng le neng. Re ka kgona bjang go dula ka go tšwafa? Re ka kgona bjang go no kitima ka godimo ga wona? Ke nako ye re senkago, re šeditše iri ye kgolo yela e batamelago.

⁸³ Bjale, o badile Jeremia, tema ya 25. A re phetleng godimo ka go Jeremia, tema ya 25, gomme re bale se Jeremia a ilego a swanela go se bolela. Gabotse, a re thomeng go temana ya 8, gobane ke... Ke le nyaka le be le nnete go e hwetša. Temana ya 11 ke moo ke ngwadilego fase mo go bala, eupša a re thomeng go temana ya 8.

Kagona o rialo MORENA wa mašaba; . . .

Ke no rata seo. Ge nka kgona go kwa moprofeta a ema ka O RIALO MORENA MODIMO, ngwanešu, yeo ke yona. Go nna, seo se a e ruma. Seo ke sohle ka ga yona.

. . . o rialo MORENA wa mašaba; Gobane ga se la kwa mantšu a ka,

Bonang, Ke tla romा le go tšeа malapa ohle a leboa, go rialo MORENA, gomme Nebukadinetsara kgoši ya Babilonia, mohlanka wa ka, gomme ke tla ba tliša gape... kgahlanong le naga ye, le kgahlanong le badudi ba yona, le kgahlanong le ditšhaba tšohle go dikologa go rarela, gomme Ke tla di senya moka, . . .

Elelwang, bona e be e le bakgethiwa ba Modimo ba A bolelago ka bona. E be e se baganamodimo. E be e le maloko a kereke.

Ka go fetiša Ke tla tloša go bona segalontšu sa tlhalalo, . . . segalontšu sa lethabo, (go no swana le ge re na le lehono, rokenrole yohle, Ricky le Elvis,) gomme, oh, segalontšu sa monyadi, . . . segalontšu sa nonyana . . . goba, monyalwa, a ke re, modumo wa tšilo, . . . seetša sa kerese.

Gomme naga ye ka moka e tla ba leganata, . . .

Ekwang moprofeta yola a goelela ntle, "Naga ye ka moka e tla ba leganata!" Gomme e sego go ekiša mohlanka yo mogolo yo wa Modimo, eupša ke a profeta gore naga ye ka moka e tla ba leganata. Modimo o tla otla setšhaba se bakeng sa dibe tša sona. Ge Modimo a se a lesa Israele, mokgethiwa wa Gagwe, Peu ya Abraham, yo A dirilego kgwerano le tshepišo le yena, ge A se a ba lesa ba feta ka go dira phošo; le ge ba be ba le bodumedi go fihla kgwekgweng, ba bile le dikereke tše kgolo, le baprista, le borabi; eupša ka baka la maitshwarohlephi le dilo magareng ga bona, gomme Modimo o ba dirile ba bune se ba se bjetšego, kafao re tla se hwetša. Temana ya 11:

...naga ye ka moka e tla ba leganata, gomme...go makatša;...

Ke gore, yo mongwe le yo mongwe o no lebelela le go re, “Bona šebale. Ba be ba le ba bagolo kudu. Ba lebeleleng bjale.”

...gomme ditšhaba tše di tla direla kgoši ya Babilonia mengwaga ye masomešupa.

Yeo ke nako ya bophelo. Ke ge wa gago wa go tšofala, mme wa go tšofala wa go šegofala e be e le lesea. Ba be ba le kua ntle le Modimo, ntle le kereke, ntle le pina, ntle le ge e ka ba eng, lebaka la moloko wa go felela, go fihla moloko wola ohle wa go dira sebe o hwile.

Gomme go tla tla go phethega, ge mengwaga ye masomešupa e phethagaditšwe, gore Ke tla otla kgoši ya Babilonia, le setšhaba sela, go rialo MORENA, bakeng sa bokgopo bja bona, le naga ya Bakaladea, gomme ke tla e dira tšwalalanyo ya motšhaotšhele.

Gomme Ke tla tliša godimo ga naga yela mantšu ohle ao Ke a boletšego kgahlanong le yona, ebile le tšohle tše di ngwadilwego ka pukung ye, tše Jeremia a di profetilego kgahlanong le setšhaba sohle.

Gobane ditšhaba tše ntši le dikgoši tše kgolo di tla itirela tšonabeng—tšonabeng le tša bona gape: gomme Ke tla lefa...go ya ka ditiro tša bona, le go ya ka mantšu a bona a diatla tša bona beng.

Gobane o rialo MORENA Modimo wa Israele go nna; Tše komiki ya beine ya bo bogale bja seatla sa ka, gomme o dire ditšhaba tšohle, tše ke tla go romago go tšona, ba nwe go yona.

Ka mantšu a mangwe, “Jeremia, Ke go file molaetša wo. O se dule wa homola. O se dule lefelong le tee, eupša profetela ditšhaba tšohle.” A le a e latela? [Phuthego e re, “Amene.”—Mor.] “Profetela ditšhaba tšohle. Bontšha maswao a Ka le matete, gomme ba dire ba tsebe gore Ke tla go dira se.”

Gomme ba tla nwa, gomme ba sepela, gomme ba gafa, ka baka la lentšu le Ke tla le romelago magareng ga bona.

⁸⁴ Ba dira eng ka go letšatši le? Ba go bitša mo—mo moprofeta wa maaka, ba go bitša mo—mo moišimeletši, ba go bitša le—le lehlanya, senoge, goba molori wa ditoro, goba mohuta tsoko wa sebalamonagano. “Ba tla gafa!” Gomme lentšu *gafa*, ge o ka le tsitsinkela, le ra “go hlanya.” “Gabotse ba tla hlanya, gomme ba re, ‘Aa, o se ke wa ela šedi mopsikologimokgethwa yoo, tše ke ditšiebadimo,’ ka baka la Lentšu leo Ke tla le romelago magareng ga bona.”

⁸⁵ Le a bona histori e ipušeletša yonamong? Jeremia o be a ka se dumelanelane le Bafarisei ba bona, Basadutsei, Baherodian, e ka

ba eng ba bego ba ka ba. Yena, o no be a le Lentšu ntle, gomme Le ba dirile ba mo gafele bohle. Eng? Bjale hlokomelang.

*Gomme ka gona ke tšere komiki seatleng sa MORENA,
gomme ke dirile ditšhaba tšohle go nwa go tšwa go
yona, . . .*

Jeremia ga se a ke a dula gae. Jeremia ga se a no dula ka lefelong le letee le lennyane, eupša o dirile ditšhaba tšohle go e nwa.

. . . *tšeо MORENA a nthometšego go tšona:*

⁸⁶ Jeremia o tšere Lentšu la Morena, beine ya Lentšu la Gagwe. Gomme beine ke maatla a Lentšu la Gagwe. Beine e na le maatla. Beine ke setagi. Beine e ne maatla ka morago ga yona. “Gomme ke tšere Lentšu la Morena,” go boletše Jeremia, “le go Le dira le bonagale. Beine, maatla a a lego ka go Lona, ke a diragaditše pele ga bona, gomme ga se ba ke ba Le kwa.”

Modimo o rile, “Ka gona Ke tla ba romela lebaka la mengwaga ye masomešupa ka Babilonia.” Seo e no ba se A se dirilego. Baloki le ba ba sa lokago ba ile, go swana.

⁸⁷ Bjale, morago go thuto. Daniele o be a bala. E nong go nagana, Daniele o badile Mantšu a go swana re a balago mosong wo. Daniele o badile Beibele ya go swana, leswaosekga, mafoko a go swana, dilo tša go swana ke lego, ka thušo ya Modimo, ke tla le balela ka go Melaetša e sego mekae ya go latela, selo sa go swana, go le laetša gore re nakong ya bofelo.

Gomme Daniele, go tšeeng Lentšu go tšwa go Jeremia, o ya tlase ka Babilonia. Gomme o be a le moprofeta yo a tloditšwego. Gomme o dirile mehlolo, maswao, o kgonne go hlatholla maleme a šele, gomme o dirile maswao le matete magareng ga bona. Efela, a eme a nnoši, ka boyenamong! Amene! O eme a nnoši.

⁸⁸ Eupša Jeremia o ngwadile Mantšu a ye mentši, mengwaga ye mentši pele. Gomme Daniele, go hlatholleng Lentšu, o bile le . . . “O re, bjale ema motsotsso. Re tla kgauswi le nako ya bofelo, gobane ke šetše ke bile tlase mo mengwaga ye masometshela seswai. Gomme moprofeta wa Morena,” amene, “ngwanešu wa ka, moprofeta wa therešo wa Modimo yo a inetefaditše moprofeta yenamong, o re profetetše. Ke na le sona se ngwadilwe mo ka pukung, seo se rilego, ‘Mengwaga ye masomešupa e tla phethagatšwa.’ O Morena Modimo, re batamela bofelo. Moloko ohle o hwile. Ke eng O tla e dirago bjale, Morena? O tshepišitše go re romela . . .” Gomme o ipeakantše yenamong ka lenaneo, go rapela.

⁸⁹ O Modimo, ge go kile gwa ba nako ye re swanetšego go ipea renabeng ka lenaneo, go rapela, ke bjale. Gobane, rena bjalo ka mohlanka wa Gagwe wa therešo, re a bona, ka Mangwalo a moapostola, ka ditshebotšo tša Moya wo Mokgethwa, gore re ka go letšatši la mafelelo. Moya wo Mokgethwa o a bolela,

“Gore ka matšatšing a mafelelo, batho ba tla ba hlogothata, monagano wa godimo, barati ba maipshino kudu go feta Modimo, babatasekgoro, baphari ba maaka, ba go se leboge, le banyatši ba bao ba lokilego.” Ke kwešiša ka Lengwalo.

⁹⁰ Gomme ke a kwešiša gore go tla ba bakweri, ka letšatšing la mafelelo. Ke a kwešiša gore go tla ba setšhaba kgahlanong le setšhaba, ka letšatšing la mafelelo. Ke a kwešiša gore go tla ba maphotho a phulawatle, ka matšatšing a mafelelo. Ke a kwešiša gore go tla ba diponagalo tša go tšhoša, boka dipiring tša go fofa, ka legodimong, diponagalo tša sephiri, gomme dipelo tša banna di tla be di palelwka poifo. Go tla ba nako ye bothata, le tlalelo magareng ga batho. Ke badile gore ba tla ya ka go mekgatlo le dikerekemaina, le go ba le mohlakanelwa, ka letšatšing la mafelelo. Ke a kwešiša gore basadi ba tla kota moriri wa bona ka letšatšing la mafelelo. Ke a kwešiša ba tla apara diaparo tše kopana, le go sepela ka metomelwana, ba menekana ge ba eya, ka letšatšing la mafelelo. Ke a kwešiša gore boitshwaro bo tla ba fase kudu ka letšatšing la mafelelo. Ke a kwešiša gore bareri ba tla ba badiši ba maaka ka letšatšing la mafelelo, ba ba tla itšimeletšago, gomme ba ka se fepe batho ka Lentšu la Modimo, eupša ba tla ya morago ga dithutotumelo le dilo, go e na le go. Eupša ke a kwešiša go tla ba le Segalontšu se se tlago ka matšatšing a mafelelo, se goelela go tšwa lešokeng, se biletša batho morago go Molaetša wa setlogo, morago go dilo tša Modimo. Ke kwešiša, ka Puku, dilo tše di tla direga.

⁹¹ Ke a kwešiša gore ka matšatšing a mafelelo go tla tla tlala. Dikereke di tla kgatlofatšwa, le go beakanywa le se sengwe le se sengwe, gore ka matšatšing a mafelelo go tla tla tlala, gomme e ka se be ya borotho le meetse feela, eupša bakeng sa go kwa Lentšu la Modimo la therešo. Gomme batho ba tla tloga go tšwa bohlabela, go tšwa bodikela, go tšwa leboa, le borwa, ba nyaka go kwa Lentšu la Modimo la therešo. Eupša dikereke di kgatlofatšwa kudu le go swinelela, go fihla ba tla šitwa go Le kwa. Ke kwešiša seo ka Dipuku. Eupša, ka letšatšing leo, O Modimo, go tla ba Lekala le le tsogago go tšwa go Dafida.

⁹² Ke a kwešiša gore O tla romela Eliya pele letšatši leo le etla ka nako ya bofelo, gomme o tla ba le Molaetša wo o tla bušetšago dipelo tša bana morago go botate, go di bušetša morago go setlogo, go ya morago go bofelo, le go thoma. Ke a kwešiša seo se tla direga feela pele Moya o tlogela kereke ya Bantle, go boela go Bajuda.

⁹³ Gomme ga ke kwešiše feela ka Lengwalo. Ke dira ka Lentšu, ka Lentšu le le ngwadilwego, gore Israele e tla boela nagalegaeng ya gagwe; gomme ke mmona a eya ka gare.

⁹⁴ Ke kwešiša ka Mangwalo, a baprofeta, gore Israele e tla ba setšhaba. Ba tla hlomagape borapedi bja tempele. Modimo o tla ya go šomana le yena gape ge a etla nagalegaeng ya gagwe. Oo!

Baprofeta ba babedi ba tla tsoga ka matšatšing a mafelelo, le bona. Ke kwešiša seo. Feela ge Kereke ya Bantle e tšwela ka ntle, baprofeta ba babedi ba tla fihla, Elisa le Moshe, go Israele. Re tla e hwetša ge re eya go kgabola.

⁹⁵ Moprefeta o bone nako e be e le kgauswi le go phethagatšwa tlase kua ka Babilonia. Go lokile.

⁹⁶ Gabriele o a tšwelela, go utolla e sego feelsa se a bego a botšiša ka sona, eupša go mmotša ka tsela yohle go theoga se se bego se beetšwe morafe wa Bajuda, tsela yohle go fihla pheletšong. Amene! O botšišitše nthathana gannyane, le go hwetša selo ka moka. O botšišitše go no tseba . . .

⁹⁷ Daniele o be a leka go hwetša, “Botelele gakaakang, Morena, go tla bago bjale? Jeremia moprefeta, mohlanka wa Gago, ngwanešu wa ka, o profetile mengwaga ye masometshela seswai ya go feta, gomme o rile, ‘go ne mengwaga ye masomešupa ye batho ba ba tla dulago mo.’ Moloko ohle wa kgale ka go diragala o ile bjale.”

⁹⁸ Go ne moloko wa kgale wa pentecostal wo o tsogilego, mengwaga ye masomenne ya go feta. “Balwi ba kgale,” ba be ba bitšwa. Ba kgatlofaditšwe, le go itia, le go baka, gohle go theoga go kgabola Thaba ya Horebe le Nebo, gohle go kgabola kua. Eupša, mafelelong, re mo nokeng bjale. O ya go tsoša wo moswa, le Joshua go ba tshedišetše mošola. Molao o šitilwe; Moshe o sepetše le ona; Moshe o šitilwe. Joshua o ba tšeetše mošola. Re hwetša gore mekgatlo e šitilwe, eupša Moya wa Modimo . . . Joshua, lentšu *Joshua*, le ra “Jesu Mophološi wa rena.” Gore, Moya wo Mokgethwa o tla tla ka Kerekeng. E sego mokgatlo, eupša Moya wo Mokgethwa o tla tsena magareng ga batho le go Mo dira a be komana go ya godimo, go tshela Jorodane. Ke kwešiša ka go bala Puku gore seo ke se se tla diregago. Gomme Modimo o a tseba seo ke se ke se nyakago bjale, gore nke ke homotše batho ba Gagwe le go ba botša se se lego kgauswi, bobedi mo mosong wo, le ka ntle go kgabola dinaga tše di theipitše di tla yago, lefase ka bophara, gore re mo nakong ya bofelo.

⁹⁹ O utolotše tsela yohle go fihla Mmušo o bušeditšwe go felela gomme Mileniamo o tsene. Woo e be e le molaetša wa Gabariele. O rile, “Ke tlie go go botša gore go ne mengwaga ye masomešupa, dibeke tše masomešupa, efela, di beetšwe godimo ga batho ba geno, di beetšwe go ya go bofelo bja moloko wa Bajuda. Go ne dibeke tše masomešupa.” Bjale šetšang se A se boletšego. Gore bjale, go tloga go go ya pele go bušetša . . .

*Dibeke tše masomešupa di beetšwe godimo ga batho
ba geno le godimo ga ya geno . . . toropokgolo, . . .*

“Toropokgolo ya geno.” Babilonia e be e se toropokgolo ya gabu. Mang . . . Toropokgolo ya gabu e be e le kae? Jerusalema.

¹⁰⁰ Bjale, ge re fihla go šu—šu šupa, goba tiišetšo semenwagatshela, re tla hwetša se toropokgolo yeo e lego sona, le

go e tliša fase le go netefatša e be e le mang, yo a e thomilego, mo e tšwago gona. E tla ema botelele bjo bokae? A e tla agiwagape gape? Ka nakong efe? Oo, dilo tše kgolo di beetšwe rena. Go lokile.

Dibeke tše masomešupa di beetšwe godimo ga batho ba geno le godimo ga ya geno... toropokgolo, go fediša karogo, ...

Bjale, ga se A tsoge a re, “Daniele...” Ga go pelaelo eupša se A mmoditšego gore dibeke tše masomešupa e be e le... Ke ra, mengwaga ye masomešupa e be e le kgauswi le go fela. Masometshela seswai, go no hlaela mengwaga ye mebedi. Gomme re a hwetša gore seprofeto sa Jeremia se iteile tlwa nnete feela. Mengwaga ye mebedi moragonyana, ba ile ntle. Nehemia o ile gomme o hweditše taelo go tšwa go kgoši gomme a aga maboto ka nako ye thata. Ba šomile. O rile, “Leboto...” Theetsang se.

...fediša karogo, ... go dira bofelo bja sebe, ...

“Go dira bofelo bja sebe.” Go bomang? Bajuda. “Beetšwe godimo ga batho ba geno,” e sego godimo ga Bantle. “Godimo ga batho ba geno,” Bajuda. “Le toropokgolo ya geno,” e sego New York, e sego Boston, Philadelphia, Chicago, Los Angeles, Rome. Eupša, “Godimo ga toropokgolo ya geno,” Jerusalema.

...gomme go fediša karogo, ... go dira bofelo bja sebe, ... go dira dipuelano bakeng sa bokgopo, le go tliša ka gare to toko ya gosafelego, le go tswalela pono le seprofeto, le go tlotša Sekgethwakgethwa. (Šetšang!)

Tseba kagona gomme o kwešiše, gore go tloga go taelo ya go bušetša le go agagape Jerusalema (e bego e le toropokgolo ya gabu) go ya go... Mesia Mokgoma e tla ba tše šupago (tše masomešupa) dibeke, ...

¹⁰¹ Letang go fihla re tsena ka go yeo! Oo, nna! Yeo ke tšhegofatšo ye ke... ke yago go ikhweletša ropo le go itlema nnamong go lefelo mo.

¹⁰² Utollotše tsela yohle go theoga, o rile, “Nna ga ke ye go go botša feela bjale gore yona mengwaga ye mebedi e kgauswi, e tla fela, ya phethagatšwa.” Gomme re a tseba bohle gore ba dutše tlwa mengwaga ye masomešupa, gomme—gomme ba ile ntle, feela tlwa se moperfeta a se boletšego. Gomme Jesaya, goba ke ra... Daniele o dumetše moperfeta yola, kafao o be a le fa, komana. Go lokile. Gomme o... .

¹⁰³ Gomme bjale, ge Gabariele a etla, O rile, “Ke tlile go go bontšha tsela yohle, go utolla go wena dilo tše, gore, tsela yohle go ya pheletšong.” Le a bona? Lebelelang.

...makgapa o tla e dira tšhwatalanyo, ebile go iša pheletšong, ...

¹⁰⁴ *Pheletšong* ke “bofelo bja dilo tšohle.” “Ke ya go go bontšha se se tla diregago.” Bjale theetsang. Le a e hwetša! “Nna... .

Daniele, Ke romilwe. O moratwa Legodimong. Gomme Ke kwele dithapelo tša gago gomme Ke tlie fase bjale go go botša se se beetšwego Bajuda le Jerusalema, go tloga gonabjale go fihla bofelong bja pheletšo, selo ka moka.”

¹⁰⁵ Bjale, a le a kwešiša, tlelase? Ge re ka kgona go hwetša se dibeke tše tše masomešupa di lego sona, re tseba pheletšo e neng. Oo, nna! Modimo re thuše go e tseba. E a re botša tlwa felotsoko ka matlakaleng a, tlwa go tloga nako yela go fihla nako ye, go fihla pheletšong, gomme e ka se e foše motsotso o tee.

¹⁰⁶ Kafao Lentšu la Modimo le legolo . . . Ge Modimo a dirile lefase gomme a le beile ka go obiti. Gomme ke be ke rera bošego bjo bongwe, Lamorena bošego, ka fao gore ga go selo se šitwago. Gobaneng, lefase le le dikologa ka phethagalo kudu go fihla ba kgona go go botša tlwa letšatši le ngwedi di tla feta neng, ka go mengwaga ye masomepedi go tloga lehono, go ya go motsotso wa tlwa. Nka se kgone go le botša, ka sešupanakoe ka ba sefe re nago le sona ka lefaseng; se tla lahlegelwa ke metsotso ye mebedi goba ye meraro ka kgwedi, goba go hwetša metsotso ye mebedi goba ye meraro, se sekaonekaone re nago le sona. Ga re kgone go dira selo sa go phethagala bjalo. Gobane, go ne selo se tee feela se phethagetšego, seo ke Modimo. Gomme Modimo le Lentšu la Gagwe ba a swana, kafao Lentšu la Modimo le phethagetše.

¹⁰⁷ Gomme ge re ka kgona go hwetša matšatši a, re tla hwetša tlwa pheletšo e tla ba neng. Le a e hwetša? [Phuthego e re, “Amene.”—Mor.] “E beetšwe go ya pheletšong.” Temana ya 24, “batho ba geno le toropokgolo ye kgethwa ya geno,” e lego Jerusalema. Ke na le ya 21 . . . temana ya 24 mo. Jesu o šupile se ka go Mateo 24.

¹⁰⁸ Bjale, Ngwanešu Collins, ge a le fa mosong wo, ga ke tsebe ge eba o gona goba aowa. Ka dipotšišong bošego bjo bongwe, o botšišitše potšišo. (Ke a nagana go lokile go nna go e bolela, Ngwanešu Collins.) Ka, “Makgapa a a dirago tšhwatalanyo,’ le a bona, se e bego e se ra?”

¹⁰⁹ Jesu o boletše ka yona, ka go Mateo tema ya 24, gomme re a hwetša. Ya, Mateo 24:15. Bjale anke ke no hwetša yeo ka pelapela, gore re kgone go bona se, Jesu a bolelago ka selo sa go swana mo, a šupa morago go Daniele. Mateo 24:15, go lena ba le ngwalago fase. Ke le nyaka, mongwe le mongwe bjale, gagolo bošegong bjo le—le Lamorena la go latela, le tle le tsona diphensele le maphephe, gobane re . . . ntle le ge o ne theipi. 24, gomme temana ya 15, “Gomme ge kagona . . .”

Gomme ge kagona le tla bona makgapa
a tšhwatalanyo, ao a boletšwego ke Daniel
moporofeta, . . .

Nagang! Ye ke makgolonne le masomeseswai tharo, -nne, -tlhano, masomeseswai tshela a mengwaga pele ga nako. Mengwaga ye makgolonne le masomeseswai tshela pele ga nako.

...Daniele moprofeta, eme ka lefelong le lekgethwa, ...

Bjale lebelela ka Beibeleng ya lena. E ka mašakaneng.

...(*mang le mang a balago, a a kwešiše:*)

¹¹⁰ Bjale, O bolela le Bajuda. Ba nyaka go tseba, “Go reng ka tempele ye? E tla senngwa neng? E tla agiwagape neng? Ke neng mo go tla bago nako moo go ka se bego letlapa le tee godimo ga le lengwe? Go tla tsea botelele bjo bokae?”

¹¹¹ O rile, “Ge le bona ‘makgapa ao a dirago tšhwatalanyo, a eme ge . . .’ Daniele, ‘a eme ka lefelong le lekgethwa.’” O rile, “Ge le bona se se etla go phethega, bjale anke yo a balago a kwešiše se a bolelago ka sona.”

Ke ka baka leo re rapelago Modimo, go dira seo go phethega kudu, gore go se be le moriti o tee wa pelaelo. Gobane, ga ra swanela go bea tlhathollo ya rena beng go dilo tše. E swanetše go tla ka O RIALO MORENA. Kafao, ke e tlogela thwi fao go fihla ke kwešiša.

Utolotše dilo tšohle go yena, ale “makgapa.”

¹¹² Gomme, elelwang, e na le tlhalosopedi, go no swana le, “Bitša morwa wa ka go tšwa Egepeta.” Bjalo ka Israele e bileditše ntle, go bile bjalo le Jesu, Morwa wa Gagwe, o bileditše ntle.

Gomme seo tlwa se tla no direga, ka nnete bjalo ka ge ke eme mo. Gomme O dirile ka tsela, gomme O e dirile yohle e utagale, yohle e utagale go Kereke. Oo, ge re fihla tlase ka go yeo, ka go kwešišo dimenwagatshela tsela, ka fao A bilego le sohle se se utagetše go Kereke, gore Kereke e tla be e šeditše motsotswo mongwe le wo mongwe, e be e sa tsebe O be a etla neng. Eupša bjale lebaka la Kereke le kgauswi le go fela, kafao e no ba komana bjale bakeng sa go Tla, go no ba komana.

¹¹³ Le ke le lengwe la Mangwalo a bohlokwa kudu ka Pukung. E dira eng? E bolela go tswalela setšhaba sa Bajuda, batho ba Bajuda. Lengwalo le, dibeke tše masomešupa, le bula le go bolela tlwa go tloga nakong yeo Daniele a thomilego kua, go fihla bofelong bja pheletšo. Ke ye nngwe ya dišupanako tše kgolokgolo. Ke ba bakae ba nkwelego ke re, “Ge o nyaka go tseba ke letšatši lefe la beke, lebelela tšupamabaka. Ge o nyaka go tseba ke nako mang re phelago ka go yona, šetša Bajuda”? Yeo ke nnete. Go na le tšupamabaka ya Modimo, e tšerwe thwi go tloga mo. Moithutamodimo e ka ba mang, serutegi sa Beibele e ka ba mang, mang kapa mang, o tla go botša gore se ke sešupanako, Bajuda.

Bjale re na le nako e kae? Re no ba . . . batho, go fiša, oo, ke . . .

¹¹⁴ Ga e ne selo go dira le Bantle; Mahuto a Šupago a, Dikotlo tše Šupago, Masetlapelo a Šupago, Diphalafala tše Supago, ga e ne selo se tee go dira. Kereke ya Bantle e tla be e le ka Letagong ka

nako yeo. Ga e ne selo go dira le rena, Kereke ya Bantle. E šomana feela le Israele. “Daniele, batho ba geno le Jerusalema.”

¹¹⁵ Bjale, gomme re bula dintlha gore Modimo o šomana le Bajuda feela ge ba le ka nagalegaeng ya bona. Haleluya! Fao ke mo ke naganago e iteile kgwekgwe, thwi fao.

Ka mehla ba leka go dumelela go tloga nako ya ge Israele e be e le kua ka nako ya Daniele. Gomme mongwadi yo motee yo mogolo... Gobane, ke a tseba ba bangwe ba balatedi ba gagwe ba dutše fa, nka se e bolele. Eupša ke ka baka leo ba bilego le dilo tšohle tše tša maaka.

¹¹⁶ A le be le tseba ka fao Millerites, pele ba eba Seventh-day Adventist, ba dirile eng godimo mo? Ka 1919, ba tšere mafego a bona, (bohle le bone ka go lephephe la Courier), gomme ba tlie mo go fofa, mosong wola. E be e le go tšea dibeke tše masomešupa tša Daniele. Uh-huh, Millerites. Morago, moragonyana go ya pele, ka Mdi. Ellen White, e bego e le moprefetagadi wa bona, ba retologile go dikologa gomme ba ipitša bonabeng Seventh-day Adventists. Gomme bjale ba fetotše leina la bona go ya go The Voice of Prophecy. Le a bona? Maina a mararo a go fapania a tumelothoko ya go swana.

¹¹⁷ Bjale, eupša ba be ba le phošo, gobane ba be ba leka go šomiša dibeke tše masomešupa go bobedi Mojuda le Montle. Gomme O re fa, “Ke bakeng sa batho ba geno.” Gomme Modimo ga se a ke a tsoge a šomana le Mojuda ka ntle ga Palestina. Gomme ge Mesia, ka go ya masomešupa, le dibeke tše pedi, a ile a ripša, (e sego bakeng sa Gagwemong; bakeng sa rena, o ripilwe), Israele ya šwalalanywa, gomme ga se (ya tsoge) ya tla morago go nagalegae ya bona go fihla feela mengwaga e sego mekae ya go feta. Kafao, nako e be e se ya balwa ka kua bakeng sa lebaka la Kereke. Le a e hwetša? [Phuthego e re, “Amene.”—Mor.]

E be e ka se be 1919. Nka kgona go bontšha se sengwe se diregile ka 1919, eupša ke ge Morongwa yola, molaetša wa Morongwa wa boraro o ratha gomme Masetlapelo a ile pele. Tlwa. Eupša e be e se... E bile ge ntwa e ema ka tsela ya mohlolo. Re hwetša se ka go tema ya 7 ge re fihla go yona, ge re fihla go tema ya 7. Lena bohle le nkwele ke rera yeo, makga a mantši, le a bona, ge molaetša wa Morongwa o rile, “Swara diphefo tše nne tša lefase go fihla re swaya Bajuda, bahlanka.” Gomme bjale, ba tšwetšepele ba letile go fihla lebaka lohle la Bantle le swanela go tšwela ntle.

Ka gona ge A etla ka gare, ka gona—ka gona O swaya Bajuda, dikete tše lekgolo masomenne nne ba amogela Moya wo Mokgethwa. Fao ba dikete tše lekgolo masomenne nne, ba sa swaiwa. Kutollo 7. Le e badile.

“Gomme ke bone nomoro ye kgolo e šetše e le ka Legodimong,” Johane o bone, “ba merafe yohle, maleme, le ditšhaba, gomme ba eme pele ga Modimo, ka mepalema ka

diatleng tša bona, gomme ba apere diaparo tše tšhweu, ba opela, ‘Haleluya! Amene! Letago, bohlale, tlhompho, thata, maatla, di be go Modimo wa rena neng le neng. Amene!’ ba goeeditše.”

¹¹⁸ Johane ga se a kgona go kwešiša nako yeo. Eupša o lebeletše morago gomme o bone Thaba ya Sinai, (letago) dikete tše lekgolo masomenne nne ba ba sego ba tšhilafatšwa ke basadi. Bajuda! Basadi, dikereke! Ga se ba ke ba tšoena mekgatlo, Lutheran, Methodist, Baptist, le Presbyterian. Eupša e bile Bajuda go tloga mathomong, Orthodox, gomme ba bile le tempele ya bona kua, ba rapela Thabeng ya Senai. Bao ke dikete tše lekgolo le masomenne nne. Ke ka morago ga se; Kereke e ka Letagong. Le a bona?

¹¹⁹ Kafao, Mna. Smith o be a le phošo, o swanetše go ba. Gobane, o ya go šomiša yeo bjang tlase mo ka go 1919, go tšeela dikete tše lekgolo masomenne nne bjang ntle? Gona o morago ka go Russellite gape. Le a bona? Gona o morago go thuto ya Russellite, gore, “Jesu o tla ka 1914, 1919 O tšere Kereke ya Gagwe, gomme bjale Yena ke mmele wa sephiri o ya go dikologa godimo ga lefase, go tsoša . . . o ya go lebitla la makgolo le lebitla la rakgolo, le go ba tsoša bohole, bohole ba e bego e le Russellite.” Ditšiebadimo! Ga e dire kgopolu ka go Lentšu. E ka se tle ntle gabotse. Aowa, mohlomphegi. Ga e dire.

¹²⁰ Eupša, Modimo o ne Therešo. Gomme Modimo ke Yena Yo a ka kgonago go E utolla le go E bea ka kua, le go E laetša tlwa, go rena. Le a bona? Ke a dumela O tla e dira. Ga ke e tsebe. Ke le botša Therešo. Ga ke tsebe, eupša ke a dumela. Ke a dumela gore O tla dira.

¹²¹ Kafao, le a bona, Modimo ga se a tsoge a šomana le Bajuda. (Ke le nyaka le boloke se ka monaganong) ge feela Israele . . .

¹²² Seo ke ge ke leka go botša ngwanešu yo a dutšego godimo fa, yo a bolelago ka go ya Israele, eya kgole le Israele! Eyang kgole le yona, lena batho bohole le bolelago go sokolla Bajuda. Pele Molaetša wo o fela, le tla bona ke O RIALO MORENA, ka Lentšu le ka Moya. Israele e tla sokologa, setšhaba sohle, ka bošego botee. Beibele e boletše bjalo. Eupša Ebangedi ebile ga e go bona. Go ne magwaragwara a sego makae ao a lego ntle, le go ya pele ka mokgwa woo, ba ba tlago ka gare, gomme ka ntle ga mmele mogolo wa Bajuda, ba ba tlago ka gare gomme ba phološwa. Yeo ke therešo. Ke dumela ye ka yohle ya ka—pelo ya ka.

Eupša, elelwang, ge feela Israele e le ka ntle ga setšhaba sa bona, ba ka se kgone go phološwa. Bjale ba a boa. Gomme ba tla phološwa, bohole setšhaba ka moka, ka letšatši le tee. Beibele e boletše bjalo. Letšatši le tee; le tla tliša, go felela, Israele yohle thwi morago go Modimo. Go tla ba selo se maatla kudu se rathago Israele le lengwe la matšatši a, go fihla se tla šikinya setšhaba ka moka. Ebile le moprofeta o goeeditše ntle, gomme

o rile, “O dirile se ka letšatši le tee.” Ka letšatši le tee, ba tla Le bona. Go tla ba selo se maatla.

¹²³ Kgopolو ya ka, e tla ba moprofeta yo maatla yo a tla tsogago gomme à ema pele ga Israele, gomme a netefatša go bona gore Mesia yola o sa phela. Mesia yola yo ba mo gannego o...?...

¹²⁴ Bona ba balago Beibele ye nnyane yela bjale, ya Beibele ya Israele. Ba E bala go tloga morago go ya pele, tsela ye ba E balago. Gomme le tseba ka mo leleme la Bajuda le ngwalwago. Gomme kafao ge ba E bala... Gomme ba bala yela Lewi Pethrus a e rometšego tlase go bona, Dibeibele tše milione. Ba rile, “Ge Jesu yo...” E be e le bona Bajuda ba ba tlišitšwego godimo go tšwa tlase ka Iran, le tlase ka kua, ba sego ba ke ba tsoge ba kwa selo se sebjalo bjalo ka Mesia. Gomme ge ba be ba lokišetša go tla nagalegaeng ya bona, gobaneng, ga se ba ke ba namela tšona difofane. Ba be ba sa lema ka megoma ya kgale. Le e badile ka go kgatišobaka ya *Look*. Ke ba bakae ba badilego athekele ka go *Look* le *Times* kgat-...? Gobaneng, nnete le dirile. Le a bona? Ga se ba ke ba eya godimo kua. Rabi yola wa motšofe o eme ntile kua gomme o rile, “Eelewang, moprofeta wa rena o rile re tla boela morago go nagalegaae godimo ga mafego a ntšhu.” Haleluya!

Ditšhaba di a thubega, Israele e a tsoga,
Maswao ao Beibele e a boleletsegopele;
Matšatši a Bantle a badilwe, ka diege ba
šitišwa;
“Boang, O bašwalalanywa, gabu lena beng.”

¹²⁵ Bokaone le phafoge. Le e kwele le go e kwa, le go e kwa, eupša e ya go ba nako ya mafelelo, le lengwe la matšatši a. Israele e boela nagalegaeng ya gagwe. Letšatši le Modimo a le beelago Israele go ba setšhaba, leo ke letšatši leo go ka se tsogego gwa ba Montle yo mongwe a pholoswago.

¹²⁶ Ke tla netefatša seo ka dibeke tše tše masomešupa, ge feela nka kgona go hwetša ona matšatši. Ke ya godimo go di... go hwetša ditšupamabaka tša thutadinaledi, le—le Julian, thutadinaledi, le Roman, le tšona tšohle. Go ne tše dingwe gape, felotsoko. Go ne se sengwe. Modimo o tseba ka sona, gomme, O—O kgona go se utolla. Le a bona? Ke tseba tšupamabaka ya Julian e na le makgolotharo le masometshela tlhano le tee nneng ya letšatši, mo ngwageng. Kafao, oo, tšohle di hlakahlakane, eupša go ne therešo, felotsoko.

¹²⁷ Ke bona dikereke tše ntši kudu, mekgatlo ye mentši kudu, batho ba bantsi kudu ba eya *se*, gomme bangwe, “Dumela Maria,” gomme ba bangwe ba rapela *se*, le *seo*, se *sengwe*. Go swanetše go ba Therešo, felotsoko. Go swanetše go ba Modimo, felotsoko. Go swanetše go ba Molaetša, felotsoko. Ke bona baprofeta ba maaka ba tsoga, ba dira boka ditlhatho, le dilo tše dingwe tšohle tše tša mehuta di a kgatlampana. Ka gona,

go swanetše go ba ya kgonthé fao, felotsoko, seo sa bofora se dirilwego go tšwa go sona.

¹²⁸ Ke bona batho ba tsena ka nameng, gomme ba goelela, le go ya pele, gomme ba eya ntle le go phela mehuta yohle ya mapheleo. Go swanetše go ba Moya wo Mokgethwa wa mmapale fao, felotsoko. Ke bone batho ba itshwara sedumedi, le go ya pele, gomme ba leka go ba ba bakgethwa. Ke a tseba go ne Modimo wa mmapale, felotsoko. Go ne Moya wa mmapale, felotsoko, gobane go ne moikaketši wa kgale yo a dirilwego go tšwa go wona, wa kgale wa bofora. Go swanetše go ba se sengwe seo e lego sa kgonthé: monna, batho, Kereke, Modimo. Go swanetše go ba se sengwe sa therešo, felotsoko, gobane tše di nno kopišwa go tšwa go sona. Go ne se sengwe sa kgonthé, felotsoko.

¹²⁹ Ke rile go kereke ye, ka dimpho tša lena. [Ngwanešu Branham o kokota godimo ga philuphithi makga a mane—Mor.] Theetšang dimpho tša lena; di bolokeng ka Beibeleng. Le se ke la tsea kemedi, ge mafaufa a tletše ka tša kgonthé. A re bolokeng tša kgonthé. A re hwetšeng sa kgonthé goba re se be le ge e ka ba sefe le gannyane. Amene.

¹³⁰ Bjale, kgauswi, ke nttha gore Modimo o šomana le Israele feela ge a le ka go nagalegæ ya gagwe. A re tšeeng ge Modimo . . . Abraham o tlogetše nagalegæ gomme o ile tlase ka Egepeta, go diregile eng? O sepetše go tloga go thato ya Modimo, gomme ga se a tsoge a šegofala go fihla a boa morago go nagalegæ. Modimo ga se a tsoge a šomana le yena, ga go pono e tee, ga go selo gape, go fihla a etla morago go nagalegæ.

¹³¹ Lebelelang Israele ge ba be ba rometšwe tlase ka Egepeta, mengwaga ye makgolonne. Ga go mohlolo o tee, ga go leswao le tee, ga go selo setee se diregilego magareng ga bona, ga se sa rekotwa ka go histori ya Puku. Wa go swana wa masomesenyane senyane motšofe o ya kerekeng, o neela kwana, o re “Dumela Maria,” goba e ka ba eng e bego e le, o ya morago. Ngwaga wa go latela, tsela ya go swana. Baprista bohle ba ngangišana, “Rabbi Semangmang! Re tla kgetha Rabi Semangmang. O na le go rutega go go kaonekaone. O tseba kudu ka Baegepeta.” Selo sa pele le a tseba, Baegepeta le—le bona bohle, e be e le selo sa go swana.

¹³² Seo ke selo sa go swana se diregilego go kereke. Bohle re ile go ba Methodits, goba Baptist, goba Presbyterian. “Gomme re hweditše grata go tšwa Hartford! Re ne grata go tšwa Wheaton! Re ne grata go tšwa felotsoko gape, goba Bob Jones! Re, re na le Bachelor ya Bokgabo! Re na le D.D., LL.D., goba se sengwe!” Se ra go reng? Sehlopha sa ditšiebadimo.

Ke tsela ye e bego e le ka Egepeta. Gomme Modimo ga se a tsoge a šomana le Israele go fihla a etla nagalegaeng ya gagwe.

¹³³ Nkweng! O RIALO MORENA, Modimo a ka se šomane le Kereke ya Gagwe go fihla A etla morago go nagalegæ, Molaetša

wa iri. Etlang morago go setlogo! Tlogang go tša Methodist ya lena, Baptist, dikgopololo tša Presbyterian; Pentecostal ya lena, Assemblies, Oneness, Threeness, le Fiveness, e ka ba eng e lego yona; church o God, Nazarene, Pilgrim Holiness, church of Christ, mekgatlo yohle ya molwalekriste! Gomme ke a lemoga se se ratha lefase. Yohle phošo; yohle ya diabolo. Oo, nna! Go ne banna ba bomodimo ka go ye nngwe le ye nngwe ya tšona. Go ne batho ba bomodimo ka go o mongwe le o mongwe wa yona mekgatlo. Eupša mokgatlo, ka go wonamong, ga se wa Modimo, gomme Modimo a ka se tsoge a o šegofatša. Yena ga se a ke a tsoge a e dira.

¹³⁴ Ke kgopela rahistori e ka ba mang (o tla kwa theipi) go ngwalela ka gare le go mpotša nako le nako, kereke e kgatlofaditšwego, ge Modimo a se a ke a e bea šelefong le go se tsoge a šomana le yona gape. Mpotshe ge A kile a tsoša Lutheran gape, Wesley le Mamethodist, goba Pentecostal. Ga se a tsoge a dira! Mokgatlo wola o letše fale, le go hlema le go bola! Modimo o tsero batho ka batho gomme o lekile go šupetša batho morago go nagalegaae. Gomme ka gona, batho ka batho ba fokola kudu le go sadifala, ka mohuta tsoko wa grata, go fihla ba kgatlofatša mokgatlo wo mongwe, ba o dirile ngwana wa hele momenwagabedi go feta o be o le go thoma.

¹³⁵ Eupša, felotsoko, ka kgonthe, Jehofa o na le monna yo A ka kgonago go bea diatla tša Gagwe godimo ga gagwe, yo a ka se itšimeletšego le bona...-bomodimo, mokgatlo mohlokamodimo; yo a ka gapelago batho morago go Leswika, Kriste Jesu, morago go pentecost ya setlogo le Moya wo Mokgethwa wa setlogo, ka maswao a setlogo le matete a setlogo. Ka nnete O ne yo motee, felotsoko, yo a ka se pšhatlegego ka fase ga tlhomaro ya mohuta e ka ba efe, a kitimela ntle, a khansela ntle, a wela ntle, e ka ba eng gape; a tla dulago le lona.

Modimo ga se a tsoge a šegofatša Israele go fihla a eya nagalegaeng.

¹³⁶ Modimo a ka se tsoge a go šegofatša, wa Methodist, Baptist, Presbyterian, Katoliki, goba Pilgrim Holiness, Nazarene, church of Christ, goba—goba mokgatlo wa Pentecostal. A ka se tsoge a go šegofatša ka tsela yeo. Etsa morago go nagalegaae, mo mathomong, morago go boitemogelo bja pentecostal boka e dirile ka Letšatsi la Pentecost ge Maatla a Modimo wa go phela a fetotše dikete tsela tša batho, gomme a bea pelo ya bona e lauma ka Mollo wa Modimo, yeo e laeditšego a mmapale; e sego maswao a a ekišitšwego, e sego palomonagano tsoko ya maitirelo, e sego dikwero tsoko, le go tsena ka go mokato wa magotlo boka re na le ka Amerika. “Ke mang a ka kgonago go ba le tente ye kgolokgolo?” Goba, “Ke mang a ka kgonago go ba le lešaba le legologolo?” Ke phapano efe seo se e dirago go Modimo? Modimo o nyaka batho go botega ka pelong, e sego lešaba le legolo. Gomme bohole re ne mokato wa magotlo mo, a kitima. A nyefolo,

go bona ge re ka kgona go oketša sekete go fetiša go mokgatlo wa rena. Ke nyefolo. O re nyaka morago go Therešo, morago go Moya, morago go Seetša sa nnete, morago go tselalephefo ka go Kriste, morago go Therešo. Yena a ka tsoge a re šegofatša bjang ka tsela ye re yago? A ka se ke.

¹³⁷ Ga se A tsoge a šegofatša Israele go fihla ba etla morago go naga ya tshepišo. Gomme ge ba boetše morago ka go naga ya tshepišo, maswao le matete a thoma go direga. O rometše monna tlase thwi magareng ga bona, ka leina la Moshe. A Moshe yo o tlile tlase le eng, thutamodimo ya go pholetšhwa? A o tlile tlase ka grata ya Bachelora ya Bokgabo? A o tlile tlase ka LL.D., Ph.D.? O tlile tlase ka maatla a Jehofa, le ka molaetša, "Boang, go tšwa nageng ye, go ya nagalegaeng. Boang, O bašwalalanywa, go ya go ya lena beng." Amene!

¹³⁸ Lebaka la e ka ba mengwaga ye dikete tše pedi, Bajuda ba bile ka ntle ga nagalegae ya bona, ba šwalalane go ya go diphefo tše nne tša lefase. Ka mokgwa wo re ka kgonago go dira Molaetša go tšeа dibeke bjale, ge re be re ka swanela go tsenelela. Re ka kgona go kitimiša Israele moragorago le go laetša ge e be e šwalalanywa ke Mmušo wa Roma, go go ganeng ga bona Mesia; ka kafao a raketšwego setšhabeng se sengwe le se sengwe ka tlase ga Legodimo.

Go ya morago go Jakobo, Israele, morago ka go Genesi 44 le 45, le go bontšha morago kua ka fao a šegofaditšego bapatriaka bale le go ba botša tlwa mo boemo bja bona bo tla bago ka matšatšing a mafelelo. Gomme nka kgona go le šupetša tlwa (setšhaba se sengwe le se sengwe) sa Israele, moloko wo mongwe le wo mongwe wa Israele, o eme tlwa ka ditšhabeng mo go boletšwego o be a tla ba. Gomme ke rena ba lehono.

¹³⁹ Mojuda yo re mo tsebago, yoo ga se Mojuda wa kgonthe. Mojuda wa kgonthe ke Orthodox yola wa kgonthe a sego a ke a itšhilafatša yenamong ka dilo tša lefase, yo a sego a ya ntle le go tšoena dikereke tše dingwe. Bao ke bona ba boelago mošola, ba phela ka tšhese le borotho, godimo ga dipatoga tša dithaba, ba sa dumelwelwego ka go toropokgolo ya kgale. Ba ile ba swanela ke go ba agela toropokgolo ka lehlakoreng le, ka nageng ye e sego ya motho, ka dimatšhinekane di šupile ditsela tšohle. Eupša o thomile go hloga mahlogedi a gagwe. Amene, le amene! Nako e kgauksi.

¹⁴⁰ Isimaele le Isaka šebale, ba eme kua, ba baka naga, le bjale, eupša ke ya Israele. Ge o ka direga go ya mošola ka go Jerusalema ye mpsha, ba ka se go dumelele go tla go Jerusalema ya kgale. O swanetše go ya kua pele gomme o ba dire ba e hlaloše yohle go wena, Maarapo, morago ba go tšeelé mošola ka lehlakoreng le lengwe. Bao ke bana ba Isimaele. Eupša, ema, go tla nako fao ge bana ba Modimo ba eya go tše taolo. Yeo ke nnete. Jerusalema e tla agiwagape gape. Sehlabelo sa tšatši ka tšatši se tla hlongwa.

Gomme molwalekriste o tla dira kgwerano bakeng sa tšona dibeke tše šupago tša mafelelo. Gomme bogareng bja yona, o tla roba kgwerano yeo, a retollela bohle ka go Bokatoliki. Makgapa a tla phatlalala godimo ga selo ka moka, ka mokgwa woo, gomme ka gona bofelo bo tla tla.

¹⁴¹ Šetšang, “dibeke tše masomešupa.” Ya, go nyakile go ba mengwaga ye dikete tše pedi ba be ba ile; ba gapetswe bjale, batho ba bona; boka go bile go thatafatšeng pelo ya Farao, O ile a swanela go thatafatša pelo ya Hitler. Dimilione tša bona ba hwile. Lebelelang Eichmann yo, o ne molato wa go bolaya Bajuda ba milione tše tshela. Milione tše tshela tša bona, disoulo tša batho, masea, bana, ba bagolo, bohle ba bolawa; Eichmann, monna o tee. Lebelelang Russia, kafao le ba rakilego go tšwa ka kua. Ba ba rakile mogohle. Ba be ba le setšhaba sa go nyatšiwa.

¹⁴² Eupša ka baka la lerato la tšhelete ya bona, ba boile morago gape. Eupša go se be bontši go gonniane gola go boela ka Palestina. Amene, banešu! Ge le mmona a thoma go tla go nagalegae ya gagwe!

¹⁴³ Ba na le go lekanelka kua bjale go dira yeo e ka ba dikete tše lekgolo masomenne nne. Gomme go direga eng? Ba tla tseba Josefa wa bona. Le se tshwenyege. Ee, mohlomphegi. Gomme bohle ba eme kua ba e letetše go direga. Gomme yona iri yeo . . .

¹⁴⁴ Ditšhaba di ba begile go ba setšhaba, ngwaga wo wa go feta. Ge seo se itia, re kgauswi le bofelo, Kereke ya Bantle e ile. Kafao, go nyaka e ka no ba nako efe kapa efe, Modimo a ka re, “Israele ke batho ba Ka.” Ge seo se le, Bantle ba fedile.

¹⁴⁵ “Ba tla gatakela fase,” go boletše Jesu, ka go Mateo 24. “Makgapa a dirago tšhwatalanyo, ba tla gatekela fase maboto a Jerusalema go fihla lebaka la Bantle le fedile.” Ge leo le fedile, gona Bajuda ba tla boela morago ka Jerusalema, go hlomagape tempele le borapedi bja tempele. Re tla e hwetša yohle ka go Melaetša ye e latelago, dibeke tša masomešupa tša morero momenwagatshela.

Bjale ke tla bala yeo pele ga go tswalela, gobane e tla no ba e ka ba nako yeo go rena go ya gae, morago bošegong bjo ka iri ya bošupa.

¹⁴⁶ Sa pele, pele, ge le e bea fase, “Go fediša karogo.” Daniele, tema ya 9, temana ya 24. “Go fediša karogo,” tee. “Go dira bofelo go sebe,” pedi. “Go dira poelano bakeng sa bokgopo,” tharo. “Go tliša ka gare toko ya gosafelego,” nne. “Go tswalela pono le seprofeto,” tlhano. “Go tlotša Sekgethwakgethwa,” tshela. Gomme seo ke se re tla bolelago ka sona bošegong bjo. Modimo, a tliša go phethega!

¹⁴⁷ Bjale emang, anke ke ye godimo ga ona gape, gore le e hwetše. Wa pele, “go fediša karogo.” Wa bobedi, “go dira bofelo bja sebe.” Wa boraro, “go dira dipoelano bakeng sa bokgopo.” Wa bone, “go

tliša ka gare toko ya gosafelego.” Wa bohlano, “go tswalela pono le seprofeto.” Wa boselela, “go tlotša Sekgethwakgethwa.”

Anke ke le balele yona bjale, go tšwa go—go tšwa go Beibele. Ke temana ya 24.

Šupago-...dibeke di beetšwe godimo ga batho ba geno (Bajuda) le godimo ga ya geno ye kgethwa—godimo ga toropokgolo ya geno ye kgethwa (Israele, Bajuda, Jerusalema), go fetša...dikarogo (tee),...go dira bofelo go sebe (pedi),...go dira poelano bakeng sa bokgopo (tharo),...go tliša ka gare toko ya gosafelego (nne), le go tswalela pono (tlhano)—po pono le seprofeto, le go tlotša Sekgethwakgethwa (tshela).

¹⁴⁸ Seo ke tlwa se A tlilego go mmotša, seo se be se tla dirwa, gomme morago bofelo bo be bo tla ba.

¹⁴⁹ Bjale, bošegong bjo re tla hwetša se dilo tše di lego sona, le go bona re kgaušwi bjang le kua. Gomme ka gona Lamorena la go latela, ra tliša ka gare le go bea dielemente tša nako tlwa moo re emego. Ke a Mo rata.

¹⁵⁰ Israele go boeleng nagalegaeng ya bona, Israele. Anke ke no bolele se bjale ge...ke a thankia se tlogile theiping. Anke ke bolele se. Yona iri ye Israele e bilego setšhaba...Lebaka leo ka mehla ke dumetšego, bakeng sa ttelase ya ka mo, gore go bile se sengwe se ke tla bago le karolo, pele ke ehwa, ya go bušetša Israele morago go Morena. Gobane, ge yona iri, ka tšhate ya Pan American, ye Israele e begilwego go ba setšhaba, lekga la mathomo lebaka la mengwaga ye kete tše pedi ge e sa le ba šwalalanywa, e sego batho; e bile ka iri yona yeo ya go swana, tlwa go iri, yeo Morongwa wa Morena a kopanego le nna mošola gomme a nthoma go...ka Ebangedi. Sona selo sa go swana, Mei la 7, 1946.

¹⁵¹ Bjale, gona, selo se sengwe se se mphago go tseba. Ke “go bušetša dipelo tša bana morago go botate, le dipelo tša botate go bana,” Molaetša. Hlokamelang, Maleaki 4 (e sego 3), 4!

¹⁵² Selo se sengwe. Ge Billy, morwa wa ka, le nna, Ngwanešu Ern Baxter, re be re le tseleng ya rena go ya Palestina, morago ga ge re kopane le Bajuda ga Arganbright, gomme ba bone kopano. Lewi Petrus o rometše Dibeibele tše godimo kua. Gomme o rile... Bajuda ba ba tlide, ba rile, “Ge o ka bitša sehlopha sa baetapele ba Israele, ke ra, e sego borabi ba baswa ba le ditirelo tšohle tša bona, eupša wa bitša baetapele ba kgonthe ba Israele mmogo. Gomme re badile Testamente ye Mpsha ye, gomme re a tseba gore ge Mesia a etla, o tla re botša dilo tše, boka mosadi ka Samaria. Re a tseba Moshe o rile Mesia wa rena e tla ba moprofeta. Gomme ge o ka kgona go ba botša le go ba bontšha, ka Lengwalo,” tše re tla di hwetšago ka go Molaetša wa bošegong bjo, “gore ba ile ba swanelwa ke go fifatšwa gomme dipelo tša bona di ripše, gore sekgora sa Bantle se kgone go tla, gore re bile le nako ya

poelano bakeng sa Bantle. Gomme dipelo tša bona di ile tša thatafatšwa feelsa tlwa boka go bile ka nako ya Josefa, le go ya pele. Gomme ka gona o tliše Bajuda bao lefelong, gomme o bitše banna bao go tšwa batheeletšing bao, feelsa boka o dira go Bantle mo, ka tšušumetšo yeo ya Moya. Gobane,” ba rile, “ge Jesu yo, ge A le Mesia, gomme mantšu a gago ke therešo, gona ga se A hwa, gomme O a phela. Gomme ge A phela, O tshepišitše go ba ka go wa Gagwe . . . mohl- . . . mohlanka wa Gagwe—ahlanka, barutiwa ba Gagwe. Gomme ge re ka kgona go Mmona a dira leswao la mophrefeta, gona re tla dumela gore ke Yena Mesia.”

A selo sa go phethagala, nnete tlwa. Gona, seo se tla dira eng? Setšhaba se tla tswalwa ka letšatši le tee, magareng ga baetapele. Yo mongwe le yo mongwe wa bona o tla re, “Re a e tseba.” Ge rabi yola a bolela seo, seo se a e rumo. Setšhaba se tla tswalwa ka letšatši le tee. Israele e tla tswalwa ka letšatši le tee.

¹⁵³ Gomme ke be ke le tseleng ya ka, gomme ke eme ka Cairo, Egepeta, ka thekethe ka seatleng sa ka, gomme lesometlhano goba masomepedi a metsotso a nako ya go bitša. Ba be ba lokišetša go bitša. Gomme ke sepeletše tlase go bona seripa se sennyane sa kotantsho, le tlou ye nnyane e dirilwe go tšwa go kotantsho, ka le—le lenaka la tlou. Ke be ke eya go se romela go ngaka mogwera wa ka, Ngak. Sam Adair, bakeng sa boima bja pampiri. Gomme ke be ke se lebeletše. Gomme Sengwe se rile, “Ye ga se ya be ya ba iri gabjale. Dula ka ntle ga Palestina.”

¹⁵⁴ Kafao ke naganne, “E be e no ba nna ke nagana seo.” Gomme ke ile pele.

Sengwe se rile, “Ye ga se iri.”

¹⁵⁵ Gomme ke ile ntle morago ga bobolokadifofane. Ke phagamišeditše hlogo ya ka go Modimo. Ke rile, “Modimo, a e bile Wena o bolela le nna?”

¹⁵⁶ Rile, “Ye ga se iri. Dula ka ntle ga Palestina. Ye ga se nako.” Ka gona ke tsere thekethe ya ka gomme ka e fetola, gomme ke ile go tloga godimo go kgabola Roma, gomme ka tla morago Lisbon, ka Portuguese, gomme go tloga fao morago ka United States.

¹⁵⁷ E be e se ya be ya ba iri nako yeo. Bokgopo bja Bantle ga se bja tlala gabjale, feelsa bofelong bja komiki. Eupša letšatši tsoko bo tla ba, gomme Modimo o tla romela yo mongwe kua yo e lego mophrefeta, gomme o tla netefatša go bona. Ke a tshepa gore Modimo o tla mo tsoša gonabjale, mang kapa mang a ka bago yena, a tla mo tsošago ka pela. Ke a dumela go swanetše go tla. Ke sona se re ithutelago sona, se re lego kgauwi kudu.

¹⁵⁸ Gomme, elelwang, wona motsotso woo Bajuda ba amogelago Kriste, Kereke ya Bantle e sepetše. Ka gona Bantle ba ne dikotlo di tšhollelwaa ntle godimo ga bona, Tlaišego.

¹⁵⁹ Gomme—gomme banna ba ka kgona bjang, barutiši ba bagolo ba ruta, gomme ba lebeletše Beibele ye ka mokgwa wo,

gomme ba re Kereke e ya go kgabola sekgao sa Tlaišego, ge go se ne Lengwalo ka Beibeleng le le e bolelago! Ga ba ne selo se tee.

¹⁶⁰ Monna o mpoditše, e sego kgale go fetile, o rile, “Oo, Kgaetšedi Mcpherson o rutile gore Kereke e ya go kgabola Tlaišego, gobane re tla be re le mabone a a phadimago ka nako yeo.” E tla be e le Israele nako yeo, e sego Bantle.

Bantle ba sepetše, Kereke. Ga ba swanela go kgabola Tlaišego. “Trakone e tshwele meetse go tšwa molomong wa gagwe,” tema ya 17, “le go dira ntwa le mašalela,” kgarebe ye e robetšego. E sego... Kereke ya kgonthe e sepetše. O šetše a le ka Selalelong sa Lenyalo bakeng sa tše, sekgala sa nako moo Selalelo sa Lenyalo se tla bego se kgatlampana, beke ya mafelelo. Gomme mo ke ge Tlaišego e thoma, ge ditsie le ditlaišego di tsoga godimo ga dikereke, dilo boka tseo.

Ka gona, bofelong, ka go tema ya 19, šo O tla le Monyadi wa Gagwe. Haleluya! “Kgoši ya kgoši, le Morena wa marena; kobo e inetše ka Mading, gomme madira a Legodimo a nametše dipere tše tshweu, a tla le Yena. Sole O a tla, go tsea lefelo la Gagwe bakeng sa Mileniamo. Amene! Oo!

Go šegofale Leina, oo, go šegofale Leina,
Go šegofale Leina la Morena;
Go šegofale Leina, oo, go šegofale Leina,
A go šegofatšwe Leina la Morena.

Jesu ke Leina, Jesu ke Leina,
Jesu ke Leina la Morena;
Jesu ke Leina, oo, Jesu ke Leina,
Jesu ke Leina la Morena.

Godišang Leina la Gagwe, oo, godišang Leina
la Gagwe,
Oo, godišang Leina la Morena;
Godišang Leina, oo, godišang Leina,
Godišang Leina la Morena.

¹⁶¹ Le e dira bjang? O Le dira le legolo ka bophelo bja gago. O phela bophelo bjo bo bjalo gore ba kgone go re, “Mohlanka wa Kriste šole.” Ke ka mokgwa wo o godišago Leina. A re boneng. Oo, a ga le Mo rate? [Phuthego re “Amene.”—Mor.] Oo, nna! Pina ya rena ye nnyane:

Ka legopong kgalekgale, ke a tseba ka kgonthe
go bjalo,
Lesea le belegwe go phološa batho go tloga
sebeng sa bona.
Johane o Mmone lešing, Kwana goyagoile,

Kwana yela ka wona Mahuto a Šupago, Yena a nnoši Legodimong le lefaseng a kgonnego go e tsea. Ka leg-...

Ka legopong kgalekgale, ke a tseba ka kgonthe
go bjalo,
Lesea le belegwe go phološa batho go tloga
sebeng sa bona.
Johane o Mmone mo lešing, Kwana goyagoile,
Oo, go šegofale Leina la Morena.

Oo, go šegofale Leina, oo, go šegofale Leina,
Go šegofale Leina la Morena;
Go šegofale Leina, go šegofale Leina,
A go šegofatšwe Leina la Morena.

¹⁶² Ke rata go rapela. A ga le? [Phuthego e re, “Amene.”—Mor.] Bjale, ga re tle kerekeng go no kwa therō; ye e yago le lona. Eupša re tla kerekeng go rapela, go rapela ka Moya le ka Therešo. Le kwele Therešo; leo ke Lentšu. Le a bona? Bjale, go rapela, ke go itlhagiša wenamong go Yena. Le a bona?

Oo, Ke Rata Monna Yola Wa Galelia! Re fe khote ye nnyane ya yeo. Ee, mohlomphegi. O a e tseba, Teddy? Ke a lebala bjale. A re boneng. A re boneng.

Oo, ke rata Monna yola wa go tšwa Galelia, wa
go tšwa Galelia,
Ka gore O ntiretše tše dintši kudukudu.
O lebaletše dibe tša ka tšohle, a bea Moya wo
Mokgethwa ka gare;
Oo, ke a rata, ke rata Monna yola wa Galelia.

Molekgetho o ile go rapela ka tempeleng kua
letšatši le lengwe,
O goeleditše, “O Morena, e ba kgaogelo go
nna!”
O ile a lebalelwā sebe se sengwe le se sengwe,
gomme khutšo ya go teba ya bewa ka gare;
O rile, “Etlang, bonang Monna yo wa go tšwa
Galelia.”

Oo, ke rata Monna yola wa go tšwa Galelia, wa
go tšwa Galelia,
Ka gore O ntiretše tše dintši kudukudu.
O lebaletše dibe tšohle tša ka, a bea Moya wo
Mokgethwa ka gare.
Oo, ke a rata, ke rata Monna yola wa Galelia.

Digole di dirilwe go sepela, dimuma di dirilwe
go bolela.
Maatla a boletšwe ka lerato godimo ga lewatle.
Sefofu se dirilwe go bona, ke a tseba go ka ba
feelā
Maatla a Monna yola go tšwa Galelia.

Oo, ke rata Monna yola wa go tšwa Galelia, wa
go tšwa Galelia,
Ka gore O ntiretše tše dintši kudukudu.
O lebaletše sebe sohle sa ka, a bea Moya wo
Mokgethwa ka gare.
Oo, ke a rata, ke rata Monna yola wa go tšwa
Galelia.

Theetšang go ye.

Mosadi mo sedibeng, Yena dibe tša gagwe
tšohle o di boletše,
Kafao a bilego le banna ba bahlano ka nako
yeo. (Yoo ke Yena.)
O lebaletše sebe se sengwe le se sengwe,
gomme khutšo ya go teba e tlide ka gare;
Ka gona o goaleditše, “Etlang, bonang Monna
yola go tšwa Galelia!”

Oo, ke rata Monna yola wa go tšwa Galelia, wa
go tšwa Galelia,
Ka gore O ntiretše tše dintši kudukudu.
O lebaletše sebe sohle sa ka, a bea Moya wo
Mokgethwa ka gare.
Oo, ke a rata, ke rata Monna yola wa go tšwa
Galelia.

Ke a Mo rata. A ga le? [Phuthego e re, “Amene.”—Mor.] Pelo
yohle ya ka! A ga le? [“Amene.”] A ga A makatše? [“Amene.”]

Oo, semaka, Jesu ke sona go nna, (Ke Yena
eng?)
Moeletši, Mokgoma wa Khutšo, Modimo
Ramaatla ke Yena;
Oo, go mphološa, go mpoloka go tšwa go sebe
sohle le hlong,
Semaka ke Molopolodi wa ka, retang Leina la
Gagwe!

A re inamišeng dihlogo tša rena bjale gomme re naganeng
ka yona.

Nkile ka lahlega, eupša bjale ke hweditše, ke
lokologile go tšwa kahlolong, (Ditšhaba di a
thubega; ga go tshwenye.)
Jesu o fa tokologo le phološo ya go tlala;
O a mphološa, O a mpoloka go tšwa go sebe
sohle le hlong,
Semaka ke Molopolodi wa ka, tumišang Leina
la Gagwe.

Oo, semaka, semaka, Jesu ke sona go nna,
Moeletši, Mokgoma wa Khutšo, Modimo yo
Maatla ke Yena;

Go mphološa, go mpoloka go tšwa go sebe sohle
le hlong,
Semaka ke Molopolodi wa ka, retang Leina la
Gagwe!

Oo, naganang ka yona!

Nkile ka lahlega, bjale ke hweditšwe, ke
lokologile go tšwa kahlolong,
Jesu o fa tokologo le phološo ya go tlala;
Go mphološa, (Yena o dira eng?) go mpoloka
go tšwa go sebe sohle le hlong, (go sesa ka
godimo ga sona)
Oo, semaka ke Molopolodi wa ka, tumišang
Leina la Gagwe.

Bjale mmogo!

Oo, semaka, semaka, Jesu ke sona go nna,
Moeletši, Mokgoma wa Khutšo, Modimo yo
Maatla ke Yena;
Gobaneng, go mphološa, go mpoloka go tšwa
go sebe sohle le hlong,
Semaka ke Molopolodi wa ka, tumišang Leina
la Gagwe.

Oo, ka fao ke ratago Jesu, (letago!)
Oo, ka fao ke ratago . . .

Thakgetše kudu ke phološitšwe! Thakgetše kudu ke letile go
Tla ga Gagwe!

Oo, ka fao ke ratago Jesu,
Gobane O nthatile pele.

Bjale ka diatla tša rena godimo, ge re e era.

Nka se tsoge ka Mo tlogela,
Nka se tsoge ka Mo tlogela,
Nka se tsoge ka Mo tlogela,
Gobane O nthatile pele.

¹⁶³ Le a Mo rata? [Phuthego e re, “Ee.”—Mor.] Gona le swanetše
go ratana seng. Gobane, ge o sa rate bona ba o kgonago go ba
bona ebile mo, o ka kgona go Mo rata bjang Yo o sego wa ke wa
mmona? A re šikinyaneng seatla seng, re re:

Oo, ka fao ke ratago Jesu,
Oo, ka fao ke ratago Jesu,
Oo, ka fao ke ratago Jesu,
Gobane O nthatile pele.

Nka se tsoge . . . (Phagamišetšang diatla tša
lena go Yena bjale. Yeo ke yona.) . . . -gela
Yena,
Nka se tsoge ka Mo tlogela,
Nka se tsoge ka Mo tlogela,
Gobane O nthatile pele.

¹⁶⁴ E nong go nagana, O dirile kutollo ye kgolo yela go tsebjä go rena. A ga re Mo rate? [Phuthego e re, "Amene."—Mor.] A Yena ga a makatšë? ["Amene."] Re leboga Morena wa rena Jesu bjang; ga se a tsoge a re tlogela. "Bonang, Ke na le lena ka mehla, ebile go . . ." A le ipshina ka *Dibeke Tše Masomešupa Tša Daniele?* ["Amene."] Oo, a ga re Mo rate? E dira bjang?

Tumelo ya ka e lebelela godimo go Wena,
Wena Kwana ya Khalibari,
Mophološi . . .

Nno Mo rapela, go tšwa pelong ya gago.

Bjale nkwe ge ke rapela,
Tloša ka moka dibe tša ka,
anke go tloga letšatši le
Ke be wa Gago ka moka!

Ge ke gata tsela leswiswi ya bophelo, (re tla e
dira)

Gomme bohloko go ntikologa bo keka, (Ee,
Morena.)

Wena e no ba mohlahli wa ka; (Ntlhahle go bo
kgabola, Morena.)

O laela leswiswi go fetoga mosegare,
Phumula manyami le dipoiifo,
Goba go ntesa ka tsoge ka timela
Go tloga go Wena go ya thoko.

[Ngwanešu Branham o thoma go hama *Tumelo
Ya Ka E Lebelela Godimo Go Wena*—Mor.]

Maatla go pelo ye e lapago ya ka,
Hlohleletša phišegelo ya ka;
Laela leswiswi go fetoga mosegare,
Phumula dipoiifo tšohle tša ka,
anke go tloga letšatši le
Ke be wa Gago ka moka!

¹⁶⁵ Oo Jesu, re a bona re batamela se sengwe. Jesaya moprofeta o boletšë ka sona; Jeremia o boletšë ka sona. Daniele o lebeletšë morago gomme o bone se ba se boletšego. Se dirile pelo ya gagwe go hiduega, gomme o—o beile sefahlego sa gagwe go leba Legodimong. O ikonne dijo, diaparo tša masaka le melora. O nyakile go kwa, gore a kgone go sebotša batho.

¹⁶⁶ Morena, re bona ka Dipuku, le rena, Puku ya Gago, Puku ya Jesaya, Puku ya Jeremia, Puku ya Jakobo, Johane, Luka, Mareka, Mateo, le Puku ya Dikutollo, Dipuku tšohle tša Gago, gore re kgauswi le bofelo. Gomme re beile sefahlego sa rena go leba Legodimong, ka thapelo, maithobo, go hwetša mo re phelago, Morena. Re thoma go bona seetša sa letšatši se hlaba. Gomme, Morena, re tla go Wena. Tumelo ya rena e lebelela go Wena bjale. Go beeleng thoko boima bjo bongwe le bjo bongwe, sebe se sengwe le se sengwe, go se dumele go gongwe le go gongwe go tla

re nyamišago gabonolo, re gatelela bjale go leba go mmaraka wa pitšo ya godimo, go tsebeng gore nako ya rena ke ye nnyane.

¹⁶⁷ Šegofatša batho ba ka mo, Morena. Ba a Go rata. Ke ba Gago. Ba tšwetše ntle. Ke Wena o dirago go utolla. Re a rapela gore O tla fa dilo tše go rena ge re Go letetše.

¹⁶⁸ Re fe morago ga sekglela wo mobotse wa go ithuta, Morena. Re fe kwešišo. Re tliše morago gape bošegong bjo, bonanana. Morena, ntlotše morago ga sekglela wo, oo, ge ke ithuta, Morena, bakeng se lebaka lemenwagatshela le la ketelo ya Gabariele. Ge Gabariele a etla go eta le go fa tlhalošo semenwagatshela, Morena, re swanetše go tseba yeo. Re ithuta ka Dipuku gomme re a tseba re kgaušwi. Kafao re a rapela gore O tla e utolla go rena bošegong bjo.

¹⁶⁹ Lamorena la go latela, Morena, O Modimo, bea ona matšatši ka kua. Ga ke tsebe bjang, eupša O ka kgona go re tliša go nako. E fe, Tate. Re lebeletše go Wena. Re a ratana seng sa rena gomme Madi a Jesu Kriste, Morwa wa Modimo, a re hlatswitše go tšwa sebeng sohle. Re lebeletše go Wena bjale. Re thuše ge re Go letetše, Tate, ka Jesu Morena wa rena.



DITAELO TŠA GABRIELE GO DANIELE NST61-0730M
(Gabriel's Instructions To Daniel)
SERISI KA DIBEKE TŠE MASOMEŠUPA TŠA DANIELE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Julae 30, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org